



令各司府委佐貳官徵兌

都御史李瀚參將莊椿奏查得上年會議

奏行事例兌運糧米各司府州各委堂上佐貳官一員

催儻交兌事完方許回任若轉委屬官并糧米濕碎粗糙過期悞事及民運糧米依期前來交兌其官軍生事刁勒俱聽分守分巡各府州縣并漕運委官具呈總督等官斟酌處置應拿問者拿問應

奏

請者照例施行立法雖嚴各該官吏愚昧未能加意奉行合無行移各該巡按監察御史吊卷查勘有罪官吏提問如律以警其餘今後司府州縣管糧等官務要各專其事設法徵收依期親詣水次監兌不許避難托故改委所屬雜流仍前違錯聽把總等官具呈臣等照例究治事完之日開具勤惰緣由類報吏部以候黜陟之年裁處若民糧到早而軍

船來遲亦聽所司開呈將運官住俸提問糧里旗
軍有犯管糧管運等官就便公同懲戒偏私回護
查出均坐以
枉法重罪

申明派撥交兌之例

都御史李瀚參將莊椿奏查得正德二年會議
奏行事例一州縣糧米許兌與 衛兌支不盡方許兌
與別衛不許一州縣分作三四衛亦不許一衛分
作三四州縣交兌以近派遠以遠派近致使官軍
陳告漕運衙門依律照例拿問已經通行去後今
呈前因宜再為申明行移巡按漕江監察御史查
究所由以
示懲戒

江北官軍江南領兌比照江南衛分八月完糧

都御史李瀚參將莊椿奏查得 例江北直隸各
衛所限七月初一日完糧江南直隸各衛所限八
月初一日完糧今江北直隸三總過江軍船水次
既已改遠程限亦須從寬若今照例七月初一日
完糧實是期限短促不無貽累合無今後江北衛
所悉照江南衛所事例限八月初一日完糧載作
議單奉
為遵守

五年

疏塞黃河水患

總兵官陳熊都御史鄒寶奏據工部管庫兼管河
道主事王寵呈依奉勘得黃河水勢自弘治七年
修理之後向在清河口入淮弘治十八年北徙三
百里至宿遷縣小河口正德三年又北徙三百里

至徐州小浮橋正德四年又北徙一百二十里至沛縣飛雲橋俱入漕河因單豐二縣河窄水流漫溢將原築黃陵崗隄岸尚家東衝決三口共長二百二十步尚家西衝三口共長三百二十步温家口衝決二百八十步喚家口衝決一百二十二步各深丈尺不等致令豐單二縣軍民田地廬舍多被淹沒豐縣城郭被水圍遶兩岸相對闊百餘里無法疏濬自六月以後其水隨消隨長諸口既被衝決若經魚臺縣塌場口入漕河則有利無害若經鉅野陽穀二縣故道則濟寧安平運河難保無虞等因并畫圖呈繳到職切惟水性無恒而黃河遷徙尤難定擬今既衝決如此所幸秋暮水消未成大患若非預為之防來年春夏水益或有鉅野陽穀之決患不可測合無轉行山東河南鎮巡并都布按三司各委能幹熟知水利官員前去黃河上源再行逐一踏勘要見河水此時果從何處流

行勢將何往定擬應疏應塞處所作急起備軍民夫役趁此水消時月預期疏塞以杜將來之患其原設夫老人等嚴加戒飭日夜從事慎終如始不許因循怠玩致民曲防竊決以小妨大以私害公或工程重大濶難措集興修明白會奏議處庶幾河安故道有備無患

遮洋運軍比例加耗

總兵官陳熊都御史仰寶奏議得允糧加耗有等蓋為道途遠近所費不同是以多寬均足其用今遮洋官軍先因倉臨水次故比裏河少耗米一升交納多用一升最為允當其後改倉入城陸路車脚所費過於京倉又加包陪帶運布花脚價并買補折納之數委的虧累合無將遮洋官軍領兌山東河南二省糧米照依裏河官軍一例加耗三十一升到倉交納亦照京通二倉明加七升

清解逃軍以足駕運

總兵官陳熊都御史邵寶奏近年各該有司清軍官員奉兵部發冊清勾視爲常事任憑書手人等欺隱破調捏報搪塞合無行令缺軍衛所將各年逃故運軍自祖貫址克發來歷查對明白造冊齎送兵部轉送都察院發清軍御史督同布按二司府州縣清軍官員照名挨拿起解如正身不獲先將的親壯丁連妻解赴漕運衙門審發駕船僱運務足原額仍定議有司清軍官清解分數以爲殿最從吏部施行若衛所并領運官將解到新軍逼害逃竄以致仍前缺伍照役占軍人事例降級京軍俱發邊方遇革不

各衛殷實運軍不許掣改別差

總兵官顧仕隆奏查得近年南京衛所掌印軍政官員輕視京儲擅將殷實運軍掣改快船等差以致糧運乏人如蒙乞

勅該部會議合無行移南京兵部轉行運糧高分着落經該掌印官員公同把總運糧等官將見運旗軍餘一逐一查點如有事故俱十一月以裏補完各具數徑送該部查照仍呈漕運衙門稽考以後各總衛所敢有擅將殷實運軍縱放及掣改快船軍吏等項雜差官聽把總官舉呈漕運衙門具奏轉行法司提問半贓問罪革去管軍管事帶俸差操

各衛所運糧并造船官不許掣差

總兵官顧仕隆奏查得近年以來各該衛所遇有軍政京操等項缺官不獨將運糧指揮千百戶更改替補而管廠千百戶亦被掣改京操遂致事體紛更人難遵守如蒙乞

勅兵部會議合無通行南京兵部并淞江等六都司江南江北及直隸衛所今後運糧并造船廠官遇有事改更換者把總官推訪堪代官員開呈漕運衙門覆實取補其各該衛所軍政京操等官差用並不許將運糧管廠官員朦朧取補如或故違聽把總官舉呈叅究改正

七年

渡洋兌軍比照裏河則例加添耗米

總兵官顧仕隆奏查議得渡洋兌運加耗三斗一升委係正德四年會議奏

佳事例已經通行欽遵兌運外今把總周正見得正德五年會議單止開照舊加耗三斗為無續加一升所司不肯加兌致累官軍以此為言無非申明前例以足其用如蒙乞

勅戶部會議合無行山東河南二布政司渡洋官軍兌運糧米每石加耗三斗之外照前再加一升到倉交納仍照京倉事例明加七升庶幾例有常久之規軍免包陪之累

鎮江廬州二衛比照南京各衛加耗

總兵官顧仕隆奏議得鎮江廬州二衛與南京衛方運船俱十年一次改造同在江北辰洲儀真壩上灣泊過江兌糧雇船搬運事體相同應合申明前例如蒙乞

勅戶部會議合無行令淞江等布政司并直隸蘇松廬州等府州縣各將兌改糧米該兌與鎮廬二衛官軍領兌者比照南京各總衛分每石除例該加耗外照例加與過江脚米六升附載議單以備雇船盤壩之費

復設主事專理南旺一帶牌河催放糧船

八年

查處料銀補造火燒船隻

總兵官顧仕隆奏查得正德六年南京湘江湖廣江西山東江南江北直隸

中都留守司十總被賊燒毀運船共計一千五百五十二隻該臣會同總督漕運右都御史張德七年兌改糧米每石量加銀三分以為造船之費具題續准工部咨該本部議得正德五年收積輕齎銀五萬二百兩杭蕪二廠拖欠正德二年料銀一萬三千餘兩變賣燒毀蓆板銀二百八十七兩酌量船少衛所先行給造其餘不足之數查係年限已滿屬直隸衛所省清江衛河二提舉司支

領該年料銀打造屬各都司照依舊例軍二馬一打造中間若有年限未滿聽各官從長計議區區等因題奉

欽依備咨前來俱經通行欽遵外今照前因臣等議得山東

中都江北等總燒毀船隻俱例該衛河清江提舉司補造給軍領駕船數不多措辦頗易其南京湘江湖廣江西等總共燒毀船計一千四百三十三隻已及年分者少未及年分者多前項該補打造船隻完給者十無一二如今年該補完造船隻所得工料止有收積輕齎銀五萬二百兩各總支用訖尚欠十萬餘兩其杭蕪二廠料價拖欠如故再查年限已滿屬直隸省清江提舉司領料緣前料又係常年軍士借價造完該令補還之數尚且挨候五年之上方領得出縱使舊欠完解亦與火燒船隻無干席板變賣累催未完就使完解數亦不多再

照火燒船隻工部原不曾計料加添又不知將何銀兩支領打造嘗聞謀大事者不計小利乃今糧船遭此變故急在目前豈可以尋常計之若照軍三民七事例追徵造船明年必然有悞漕運且軍三銀兩乃是各衛空閒餘丁出辦如南京豹韜左衛該船二百隻常例止有辦料軍餘一十三名其餘衛所亦有三二十名者有四五十名者遞年拖欠不完此軍三之例如此豈知自來造船多是運軍於該造年分預先一年休息辦料代役空閒軍餘出辦以湊軍三之數累苦迄今無計可除若論民七出辦各處皆係科派里甲經年不完及至收完又被收頭攬戶侵欺病民悞事又不可言此民七之例如此而欲救急濟用誠難矣如蒙乞勅該部從長會議令無將山東南京江北等總仍照咨文內事理移咨工部必須計添燒毀船數料價行抗蕪二廠於常例打造船價之外另給火燒船八十

四隻料價各領打造方得明白其江西湖廣浙江等布政司及直隸等府合行各該總理糧儲都御史查照撫屬軍衛有司燒毀船隻或將兩制兩淮運司鹽價及各鈔關銀兩或各布政司府自有收貯見在官銀不為常例准令借與原擬不設支用銀八萬餘兩務加嚴謹期在明年正月以裏借辦完備查給各該運糧加總等官督同造船委官嚴限打造給軍領駕待候各該司府衛所將軍三民七出辦料價徵完抵補前項所借銀兩照數解送各該衛門交收取具庫收備照事完之日各總理都御史將借給過官銀打造過船隻數目具奏及送戶工二部與漕運衙門查考

令運糧官員復聽漕運衙門推用

從都御史張縉總兵官顧仕隆奏也

允軍餘耗折銀許明載議單

從都御史張縉總
兵官顧仕隆奏也

拖欠官軍月糧府州行監允官督徵

從都御史
張縉奏也

守凍船隻官軍口糧

總兵官顧仕隆奏切照正德七年該運糧儲除已
遇淮催償赴京上納外尚有江西一總糧船先因
有司徵兌稽遲後因江上流賊阻滯臣等不次差
人催償又撥官軍協同搜迭務期到京交納但今
凡月中旬而糧船方纔過盡恐於北河或有凍阻
亦當趕至臨清德州不必寄囤就令官軍盡數在

船守候明春河開之日償運赴京上納其空回船
隻若令回還本處領兌未免緩不及事臣等通融
處置合將近處總下船隻次第償向南去領兌遺
下近處與臨德二倉支運扣計合用船數卻令今
次守凍官軍領兌交納庶使人免徃復事克有濟
其守凍官軍口糧合將來年應得行糧內先於附
近水次倉每名支給一石五斗食用及修船工料
幫貼銀兩與船隻灣泊事宜臣等與之整理若有
趕至天津者則去京不遠不若雇車將糧裝運上
京雖稱大有所費而亦大有所補況天津去京係
是通車平坦大路比之空運邊糧山路崎嶇易難
不啻什百熟思審處似亦可行合用脚車之費自
張家灣到京路程該六十里着令各軍自備其外
多餘路程并通州原計無車脚之費者先於太倉
庫借用然後查究誤事有司糧里責其照數抵補
還官再照有司兌糧違限不分司府官員在五

月不完者照依欽奉

勅旨提問罷黜軍衛運船到遲不分把總衛所官員在六月不到水次者亦台比照見行寄圍事例提問降級調衛或照新例一體罷黜中間如係新造船隻軍三民七工料不完者另行查究前件米一石准作明年口糧軍衛有司交兌遲誤照例行因造船遲誤者另行查究天津起車太倉准借銀雖空回船隻通融處置守凍官軍口糧於本船該上倉耗米內支

存留寄囤糧米省下餘耗修船等用

都御史張縉總兵官顧士隆奏查得遞年額運天津倉改兌糧六萬石即今天津地方凍阻寄囤糧二十萬石有餘合無比照上年事例於例存留一十二萬石於該倉上納准作正德八年九年額運

之數卻將正德八年九年該運天津糧石改於通州倉補納省下寄囤脚價餘耗給與寧波等衛完糧并修船等用其寧波等衛借過脚價待以後年分陸續償還存作債本收用庶幾脚價有補額運不失矣

凍阻糧米俱改通倉上納駕回空船修船

都御史張縉總兵官顧士隆奏查得漕運船隻先被流賊燒毀一千五百五十二隻補造止完三分之一今年又因流賊擾攘被阻重船二千一百八十五隻回空船一千三百一十五隻其備運正德八年糧儲例該正月初旬船到水次若待守至永消駕回領兌未免稽遲又行誤事且使有司得以藉口稱說軍船未到不肯依限完糧合無行令湖廣江浙南直隸把總官員將前凍阻船隻守候河

開空船先回重船完糧之日即便作急駕回俱至儀真瓜洲壩上摘撥官軍設法備料修艦堅完住泊若數內有及年分打造并不堪修艦者另行其餘一隻不許放回一面先行督率官旗人等前去水次將糧米領兌完足自雇大樣江船裝赴瓜儀壩下復載備運交納前件凍阻糧斛仍令本衛所船裝運內該京倉交納者俱改通倉上納與該通倉上納者俱免晒以便船隻早回京倉改通倉照例每石加收脚價米一斗免晒每石加收二升其脚價并免晒米每石俱准折銀五錢太倉銀庫文納願納本色者聽前項米石俱不挨陳先行放支

九年

遭風船糧所在官司勘實奏豁

戶部奏查得前項運官漂流糧米減存通倉上納或免晒收受緣此等官軍既不嚴謹以致損失官糧免其陪納又得將見糧改遠就近免晒省費無以示戒今後通查一年漂流損失之數行通州倉半糧委官將最後運到衛所該京倉上納糧米改撥通州倉及將該通州倉上納糧米免晒上納以補漂流損失之數不許似前就將漂流衛所糧米零碎改撥仍照舊例漂流萬石以上都御史總兵官具奏定奪千石以上把總官提問千石以下止提問本管官旗

帶納蓆板本折色分數

戶部奏舊例免運民糧每二石與新蘆蓆一領其支運倉糧每二石領舊蘆蓆一領到倉交納每二百領內除三十領准作破碎若支附餘糧米原無收到蘆蓆者不領其兌糧之時以三分爲率二分

納本色務要支領本處長大堪中蘆席前來交納
一分折納價銀每席一領折銀一分又每米二千
石納楞木一根俱本色於板九片亦以三分為率
二分納本色一分折納價銀每板一片折銀二錢
五分木板本色俱令運軍就於本地收買到京送
納務要登樣席板折銀俱隨糧收受一處出給通
關以便查考其銀兩太倉銀庫
另項收貯以備修倉等項支用

支運倉糧七十萬石聽漕運衙門撥船改兌

十年

輕齎銀兩務隨正糧徵兌

都御史叢蘭總兵官顧仕隆奏據南京把總運糧
署都指揮僉事余果呈備金吾前等衛運糧指揮

署都指揮蘇潤李輔周漢成景通并各衛官俱各
到京把總鄧良余大綸尚未到京等因據此會同
總督漕運兼巡撫鳳陽等處地方戶部尚書兼都
察院左副都御史陶琰議得前項船隻雖係離京
不遠必待春暖河開正二月間方得前進又恐河
道淺涸起剝運赴該倉完納已至五六月纔得回
衛其江西湖廣程途寫遠經涉江湖及到水次不
無又似上年遲誤官軍通無休心之期糧運終有
遲延之患况今江北等總把總指揮鄧良等六總
缺少淺船一千一百四十隻鳳陽淞江寺六總缺
船未報大槩亦缺數多除行委官將清江廠收貯
杭州蕪湖二抽分廠料銀收買木料趁時打造急
難完備其漕運四百萬石糧儲必欲依限完納以
復舊規誠不易舉臣等職司漕務夙夜憂皇寢食
靡寧計無所出欲行各把總如江西運軍勾攝戶
丁先雇民船以費銀兩於隨糧輕齎內支用况前

銀係沿途盤壩淺起利及到京通水脚車脚等項
應用尚且不足縱使有船無人撐駕亦難運動若
如各總拳且分派帶運裝載太重多遭沉覆之患
仰且人力寡少捧挽不行若待糧完船回及打造
完日駕去裝運則緩不及事均為運誤縱有添差
邪屬嚴立法例恐於運政無補誤事之罪萬死莫
逃臣等伏覲正德十六年四月二十二日節該欽
奉

詔書內一款嘉靖元年漕運糧斛四百萬石照舊徵兌起
運其餘夏秋稅糧馬草不分存留起運以十分為
率俱免五分以蘇民困則天下有租稅之民已沾
實惠矣又一款漕運官軍借欠債負利為生利為
害百端自正德十五年以前借者不拘多寡俱不
許還以蘇漕運官軍困苦以後再借再放者聽漕
運都御史巡按巡倉御史查例參奏重治則漕運
官軍困苦已蘇矣惟軍船缺少司漕運者失於

等官江岳等呈切照各衛所官軍領運各司府糧
其折耗二六不等輕齎銀兩例該隨本色糧兌以
備中途盤剝上倉車脚之費奈何近來各該管糧
官員止知交兌本色其輕齎往社置之度外官軍
領兌本色糧米畏懼違誤只行僭運先行前進摘
留官旗在彼守候輕齎或兩三個月或四五個月
方纔得完而船至前途般盤上倉急缺使用只得
加利借貸凋敝亦由於此呈乞轉達議處等因臣
等議得輕齎銀兩原係隨糧交兌之數今本色糧
米兌完卻就出與通關去訖有司亦得通關到手
即便以為了事再不顧念軍士齎輕的係到京完
糧緊急脚費之用近則兩三個月完者有之遠則
隔年尚且拖欠不足雇車剝船雇脚子倉中使用
等項只得加倍借錢以了官事似此故違新例合
當申明禁治如蒙乞

勅該部會議合無行令漕江等司府今後輕齎務隨本色

一併徵收交完完定方許出與通關而有司必以得通關之日為始完糧期限敢有止將正糧完足勒通官軍出給通關者聽漕運衙門并監完官指實參奏照例施行

有司管糧或佐貳官徵兌不許轉委屬官

從都御史叢蘭總兵官顧仕隆奏也

禁運糧官不許索取有司財物

從都御史叢蘭總兵官顧仕隆奏也

查議各牐積水及改建滾水壩

都御史叢蘭總兵官顧仕隆奏照得淮安清河直抵揚州瓜儀兩壩運河延長四百餘里全賴高

郵寶應二湖蓄積無源之水而淮安瓜儀設有牐壩揚州一帶設有泊洞以時蓄洩防禦淺澀衝決

之患每年春初水涸正宜固蓄以通舟楫不意往來馬快船隻到來不肯由壩車放輒便用強開牐

放出放入自由自在莫敢誰何及遇天時亢旱漕河水落鮮船糧船起刺尚不能行而高郵寶應一

帶臨河豪民乃敢蠱惑人眾赴官告要放水救田

豈知寶應湖延長只有十七八里高郵湖不過三

十里湖底雖深湖面得濟漕河者止有一尺之餘

湖東高郵寶應興化鹽城并各衛所屯種低田環

遶二二千里以二二十里湖面八餘之積而欲濟此數千百里無涯之田能救不能救此不待言而後知也又豈知此湖一放其涸可立而待將來千

斯舟而萬斯航不分鮮品糧運仕宦商賈四夷與諸色供應人等皆坐困矣于時不免下濬河渠以掣取湖底深處之水淮揚二府高郵等五衛興化

等四所通泰等州江都山陽等十有餘縣災盜餘
存呻吟之民起倩挑撈蓋亦不勝其困苦矣臣等
思惟後艱恐貽

朝廷之憂夙夜不遑處也近據高郵州申稱下河姦民
因見天旱田禾枯死聚積五百餘人各執鐵鋤短
棍齊聲納喊將塘岸挖開五丈七尺洩水救田等
因到臣除行管河郎中及該府州掌印管河官用
工築塞將得水之家并盜決之人提拿追問外切
緣此河專為進

貢鮮品及漕運而設如何可與江南湖塘積蓄水利特
為灌溉民田者之比臣等往往督令管河官員用
心巡視防守奈何無知姦豪全不畏法而且與言
怨謗再照涵洞牌座初意專為水大洩水而建乃
今臨湖小民通同管塘夫老凡遇水大時月封閉
堅厚使水無從所洩水小時月卻將涵洞偷開牌
座從底竊放或如今日聚衆強決使水無所積蓄

是皆不利於漕河先年管河官員有見於此曾將
前項涵洞改建滾水壩數座水大從上漫流上仍
加板三層以備旱乾公私之用水小勺水無洩一
蓄一洩不獨於官河有便而於民亦有大便衆皆
稱便但不利於臨湖田多富豪排沮而遂止之今
皆廢弛再照管河郎中及管牌管泉主事專為河
道而設分理其事而近年高郵駐并各牌淺濬少水
妨誤糧運為甚俱各相應議處如蒙

勅該部會議合無行令總理河道都御史除臨清儀真兩
處主事管運甄料代管彼處牌座照舊外其寧陽
管泉主事舊例每年春夏當在南旺駐劄撈淺放
船近年以來因循不來其濟寧嘉祥鉅野魚臺四
處一帶河道牌座舊皆濟寧管牌主事兼管徐州
沛縣二處河道牌座舊皆管頭等牌主事兼管今
後必須嚴督各官務要仰體
朝廷設官之心不憚勤勞往來巡視儲蓄水利不約勢

要人員不許私擅開牌又舊日徐州管河郎中常在
在高郵揚州兩處駐劄近來只在徐州駐劄雖或
間常往來巡視河道亦不過旬日耳況徐沛管牌
管洪既設有主事管理而郎中應照舊在於揚州
高郵兩處有事地方駐劄與安平等處管河郎中
各於分管河道往來巡視其管徐州郎中仍將儀
真并揚州一帶涵洞查照先年改造滾水壩事體
將一帶牌洞俱各改建滾水壩務使河水與壩面
相平而下澤及河底高下量留四尺有餘必須以
河道淺處為準庶便船行末無所阻且可以消姦
豪厭望之心臣等又伏觀

大明會典內宣德四年令凡運糧及解送官物并官員軍
民商賈等船到牌務積水至六七板方許開若公
差內外官員人等乘坐馬快船或站船如是急務
就於所在驛分給與馬驢過去并不許違例開牌
進貢緊要者不在此例成化間令凡牌惟進鮮船

隻隨到隨開其餘務待積水若豪強逼勒擅開走
洩水利及牌開不依幫次爭鬪者聽牌官將應問
之人拿送管牌并巡河官處究問因而各壞船隻
損失進貢官物及漂流係官糧米并傷人者各依
律從重問罪干碍豪勢官員叅奏究治其牌內船
已過下牌已閉積水已滿而牌官夫牌故意不開
勒要容船錢物者亦治罪欽此欽遵外為緣日久
之心廢弛合當申明前例刊給紅牌於各牌壩禁
約往來船隻敢有故違強開牌座及指稱勢豪名
頭夾帶民船過牌者聽所在官司指實叅奏與豪
民盜決隄岸者俱照例究問

十一年

官軍關支月糧倉分

都御史叢蘭總兵官顧仕隆奏據江北江南等總
把總運糧署都指揮等官張輔等所呈竊惟民出
賦以養軍軍舍生以衛民今漕運軍士長江大湖
而冒風波之險暑雨祁寒而甘凍餒之苦出百死
得一生則所望者惟止月糧奈何經年累歲不得
關給又乃逼借私債以償官費將欲不逃其可得
乎如蒙乞

勅戶部會議合無轉行各該巡按衙門查照正德八年事
例行令各衛所將運軍欠缺月糧的數造冊發送
該支官司務要刻期照名給領若見在倉糧不敷
文放亦要設法區處依數補關完日具本造冊

奏繳

湖廣運船通改楠木打造催解料價

都御史叢蘭總兵官顧仕隆奏據湖廣把總運糧
指揮僉事周正旦土竊惟漕司急務重在運船而

造運船必籍料價先因司官備所料價積運節次
題奏

欽依責限催督奈何各該官司不遵法例仍前違誤且如

湖廣產木地方比與江南積木所在不同而原定
料價因而高下難拘一例共不各立嚴法徵解則
料銀愈遲船隻愈誤漕政益見廢弛矣如蒙乞

勅工部計議合無備行湖廣都布二司查照該總額造運

船若干通改楠木料價七年二造每年該造若干
合用軍民料銀若干軍料行武昌等衛所比依襄
陽衛僉補軍餘民料行各府縣俱限本年十月以
裏徵完起解本布政司各貯庫聽候給軍買料打
造若有臨時徵辦不前俱令布政司將官庫見銀
借給應用候徵收前價照數補還如有違慢以照
稽遲糧運事例十二月終不完者各該掌印官任
奉次年正月終不完者革去冠帶仍將首領官吏
捉解漕運衙門問罪發落若延至四月終不完者

掌印官一體參

奏問罪起送吏部降級其江南直隸衛所淺船難拘湖廣定例合今照舊成造其徵解軍民料價期限悉照前例施行

令挑濬常州一帶小河修理損壞閘座

都御史叢蘭總兵官顧仕隆奏據淞江把總部塚呈稱鎮江常州河道淺涸連船俱由夏港孟瀆河出江逆上瓜洲風濤險惡人船不利等因乞勅南直隸巡撫都御史嚴督管河郎中等官設法挑濬仍照瓜洲河道事體三年兩次舉行

令寄歸在運物故遺骸官給銀三兩軍二兩仍存恤

二年

從都御史叢蘭總兵官顧仕隆奏議得自正德十一年兵官顧仕隆降奏也

十二年

甄別運官暨否陞降黜陟事例

都御史叢蘭總兵官顧仕隆奏議得自正德十一年為始凡運根把總官員僭運勤慎通不借債三年者陞俸一級五年者陞署一級如該總一歲借債至五千兩者罰俸半年積至萬兩以上者降俸一級仍留再用以後二年通不借債軍士稱便許復原俸三年皆滿萬者降官一級就行黜退仍查任內錢糧并所借債銀若有侵欺情弊從重問擬其衛總指揮并守禦千戶所所總千戶不借債負并借債積千兩以上及衛所分千百戶借債積至五百兩以上或有侵欺者亦照此例陞降俸級問罪

俱止終本身子孫照依原職襲替例該罰俸降俸者漕運衙門徑行例該陞官降官者移文該部施行若該部於把總官內推選并衛總官內推選別用亦照在外文職官員事例查係漕運衙門曾經旌獎者再行訪察相應然後舉行其把總官有缺就於衛總官內亦曾旌獎孰知運事者推補衛總官有缺聽漕運衙門先儘陞俸陞級至於衛官相等者取用如所官累陞至衛官者衛總無缺仍管所總運事若各該官員任內借有債負日下彌縫僥倖遷轉離運日後取露事蹟顯著有入己者一體從重問結無入己者仍照前例降罰

十四年

議借贖銀償還糧運宿債

都御史叢蘭總兵官顧仕隆奏准戶部咨節該江西都司把總運糧署都指揮使王佐奏前事內一件積債之害切照缺軍盜糧二害多因積債所致積債數多則旗軍月糧行糧不敷分償債主經手言旗畏懼債上逼討膽小者則不敢赴京交糧而拋棄船糧逃回膽大者盜賣正糧償還債主又且乘機作弊所以致害至此然積債之由其目有五或因漂流磕沉船糧不得勘報開豁借債買糧陪補一也或因原先糧米濕潤經過三伏腐爛虧折借債買糧陪補二也或因使用不足收受斛面太重以致掛欠籌斛借債買糧陪補三也或因大雨泥濘車驢脚費輕賚不足借債陪補四也或因不才運官管幹已事假以雇脚買糧為由詎借債負遺賴衛所償還五也五害不除未免借債積債數多則官軍逃亡盜賣糧米乃理勢之必然者也矧今積債已甚所以官軍逃亡盜賣糧米其弊至此

遺累見在運官或目縊身死如袁州衛百戶王宗是也或削髮脫身如東昌衛指揮王鏞是也人情至此誠可流涕若不權宜區處設法改救將來運政臣不敢言查得弘治年間該漕運衙門會奏亦因運軍疲憊每糧一石外加耗米五升運軍少虧即今疲憊已甚有非加米所能救者也臣嘗讀大學衍義補觀古之善漕運者唐稱劉晏宋稱李沆劉晏之法以鹽雇傭李沆運船令載鹽田所以稱善也今日漕政積債遺害至此再無別項銀兩接濟合無乞

勅廷臣從長計議行移漕運衙門查照在冊該還債負并

欠債官旗船數造冊具

奏戶部准令欠債船隻照依官價上納長蘆運司鹽引

各一百引於回空之時順帶取便變賣償債其上

納鹽本責令各債主自出上納暫借一行以了積

債如此則軍民無陪債加賦之苦債主免坑陷資

本之怨其運軍行糧月糧各得以養家口而運政自然清楚矣等因查得成化二十一年間該巡按

監察御史謝文等題奏

准通行欽遵外迄今年又因循廢弛矧今漕運復俱軍士

困苦又非先年之可比者臣請以其故為我

陛下條陳之且在運所償之物軍士在家有月糧也一家

老稚藉此為生近因各處災免數多及有司官員

緩於催徵恒有八九月或二三十箇月甚至五六

十箇月不得關支者軍士經年在外無由生理遺

下父母妻子啼飢號寒中間凍餓而死者不知幾

何間得一月二月在在逼取還債人情何堪此無

從議處者一也軍士在外有行糧也自水次以至

京師計其往廻近者五六箇月遠者八九箇月所

支米麥多則三石少則二石食用已不得穀况每

軍十人領船一隻暑雨晝夜無人更代內有負累

逃亡者仍又賴此雇人牽挽中間忍饑輸力者不

知幾何若此物奪取還債人情何堪此無從議者
二也軍士交充有輕賚也戶部議單正米之外尚
有本色折色加耗本色所以脩上倉明加耗米及
盤剝拋撒等項之數折色所以備雇車及進倉使
用并買席板等項之數近來車脚大貴使用頗增
萬口一詞悉爾不敷正德十年戶科戶部有見於
茲各有建白添差本部郎中并漕司把總官各一
員領

初處分以平之車戶脚價愈增而其事遂寢矣迄今議者
追思徒興慨嘆自茲以後誰能抑之漕卒之累尚
可忍言今若又將此物奪而還債人情何堪此無
從議處者三也交兌之際有補潤也各省軍民交
兌或因天時陰雨日久或因水鄉地方窄狹無從
晒揚恐誤限期議加數升以補虧折之數或因在
任船蒸傷太甚或因而到倉晒揚太重或以易換
高繩纜之需得少費多以致往往掛籌今若

將此物取而還債人情何堪此無從議處者四也
官軍北行有鈔貫也指掛八錠千戶衛鎮撫各六
錠百戶所鎮撫各五錠旗軍各四錠比先年間鈔
貫值錢儘穀買辦柴薪蔬鹽之用即今歲所得
不穀一飽之需縱若奪而還債能償幾何比無從
議處者五也五者之外再無分毫所擬加木一節
先年屢嘗行之雖宿債之多不足以盡償一時之
急可以少濟揆之事體似亦相應如蒙乞

初戶部計議合無申明御史謝文等奏行事例行移本部
監督委官公同巡倉御史督同各該把總官員候
今歲各衛所完糧之日就將欠債旗軍一一審查
根究所借因何使用果係糧米虧折輕賚短少迹
已明著事非由私勢不容已決然該借者准其在
運償還不分債負遠近止許加利三分若有已還
原本并三分之利改約再增者即便停止原券對
衆燒毀敢有隱匿不行盡數報官私下議還仍蹈

故輒者許運軍赴法司或漕運衙門陳告將經該
官旗問罪革退原債令其自還若係總督提督等
官指以京中人事分派科欵或因把總衛總等官
營幹私事假公侵漁以致累債就便指實參
奏以從重譴以後每年運糧畢日並聽各官照前清查
著為定例未為遵守及將正德十三年江西布政
司該徵本總糧米三十萬六百九十五石三斗八
升每石量加耗米五升照數折銀帶徵行令把總
官督同衛總官候次年交兌另項收貯運糧到京
聽部委官并巡倉御史限同查驗照依原清的
數償還債負若有餘剩行令封收本總存為修船
船隻謂官軍揭債多因脚價不敷負累正德十三
年以前所欠照依御史謝文等奏准事例清查議
處戶部暫於淮浙二運司鹽價銀兩支一十萬兩
解送太倉另項收貯以後脚價缺少查筭補給以
絕借債之弊

奸頑運官盜銀棄撇船糧逃回照例參究

都御史臧鳳總兵官顧仕隆奏查得宣德年間南
京水軍右衛指揮同知陸驥因為奸懶畏懼運糧
奏奉

欽依降做副千戶仍發運糧及查見行事例漕運有監守
盜糧四十石銀二十兩以上問發邊衛永遠充軍
如蒙乞

勅該部計議合無今後運糧官有在中途或到京通等倉
拐帶官銀盜賣米粟船逃回事發拿獲到官除
銀二十兩糧四十石以上者照例問發外其不及
前數照常事例發落如有交糧掛籌畏避考較私
自逃回或假疾托故遷延私家不
行赴運者仍照陸驥事例降級

運官有缺聽把總舉呈漕運衙門取用

都御史臧鳳總兵官顧仕隆奏申明弘治五年漕運衙門會議賢能以高治効之例

運軍順帶土貨不許官司擾害

都御史臧鳳總兵官顧仕隆奏查得洪熙元年節該欽奉

勅諭官

軍運糧遠道勤勞寒暑暴露晝夜不息既有盤淺之費根米耗折所司又責其陪補朕甚憫之今後除運工糧外附載自已什物官司毋得阻當欽此

勅諭順帶上貨以為盤費不許沿河巡司官兵人等生事

阻當成化二十一年都御史馬文升復

奏申明正德八年又該戶部欽奉

聖旨說與戶部近年以來漕運軍士為因流賊生發阻截

運道燒劫船隻好生困苦先年有奏准事例許令量帶土貨貨物以備修船剥淺等項支費你部

還行與漕運衙門知道欽此欽遵仰

朝廷優恤運軍之典至諄至切為臣下者正宜遵守奉

行柰何近年所司罔肯體恤運船但帶柴菜芥木等物經過瓜儀抵京大小官司俱要攔阻搜盤求系害難流涕哀乞終不憫惻至於空船回還又假以盤費為由每處拘留三五日或十數日勒取執結不容放行雖鹹菜魚鯉之物亦皆搜去甚至有將官軍行李木鞋公然挾制盜取不敢言端如斯之害已非一日切以言之得刊准在瓜儀如淮揚官司盤禁野固相應今德州臨清東昌濟寧處處搜盤况彼處地道早寒開座又多年年回船凍阻獨帶於斯如蒙乞

該部

再將前例申明重復行移沿河各該衙門今後運船所帶土貨等物令其隨便發賣以助貧軍剥淺守東盤費之資不許違例阻當擾害若官軍乘機不將運船裝糧滿載客貨妨誤糧運者事發仍照

列追究納鈔抽分其回空船隻果有火帶
私監聽准揚官司依法搜盤察治施行

嚴督補足運軍

都御史臧鳳奏竊漕運先年立法每年定用十
人蓋以省約甚矣奈何近年運軍或因積負逼追
或因糧賞無得或因運官需索或因投當別差以
致每船數足者少數欠者多無以所人載重駕御
實難糧運之遲亦由於此查得先年總督官員節
會奏

在行令南京兵部并各處守巡兵備撥補迄今並無一處
補完亦無一字開報所以然者蓋因隔別司府官
員漫不經心故也合無乞

勅該部再行南京兵部并各處撫按查照原行嚴督守巡
兵備悉照舊擬事例看實補足造冊繳報若再
遲誤臣等參究提問庶幾駕御有人糧運不誤

查催軍三民七料銀給造運船

都御史臧鳳奏查得在運造船料價每船十分為
率軍辦三分民辦七分使司其事者催徵早完則
成造及時而糧運可達矣夫何各布政司原辦船
料徵給遲後甚者看令官軍遠赴所屬支領而衛
所出辦者亦各視常怠玩派徵失時以交兌之
後見造船者等候船完無船者就賃民舟甚者亦
配別船帶運所在耽閣糧運遲晚亦由於斯合無
乞

勅該部行令各布政司將有司出辦造船料價俱在頭年
十月以裏徵完十二月內給領其各衛該辦料價
亦令掌印官員依上派徵務在年前
給領庶幾成造不悞漕船足用矣

十五年

查催廠料人匠銀兩造船

都御史臧鳳總兵官顧仕隆奏准協同漕運參將都指揮僉事陳璠手本照得浙江一總所屬杭州前等一十三衛所每年該造淺船四百餘隻先年因無廠地各衛管運官關領浙江布政司料銀俱於蘇州府地方倩匠四散打造因把總衛總官不得親詣查驗多被無籍官旗通同匠作侵欺料價或臨期逃躲其料價有司又不依限給發延至五六月間方得下水板薄釘稀不經久駕因係隔省人民不服拘究正德元年本職管總呈蒙漕運衙門動支料銀買到杭州府仁和縣謝村民人卜聿夫等空地八十餘畝蓋造廠房拘督官旗在內成造數年之間頗得便益其後因無專官統理以致因循姑息依舊各處打造前業遂廢要行議行工部抽分廠帶管仍於官廠打造以便催督等因又

據浙江把總都指揮韓平呈稱本總衛所淺船五年一造每隻除舊船外該民出銀七十兩後因楠木價高議作民料銀上加派三兩共七十三兩赴浙江布政司支領軍料銀三十兩准獨寧海一衛緊衛撥軍承辦其餘衛所料銀并隨船什物俱是本船運軍自行出備及查江北各總軍料俱是衛所另僉軍餘出辦何獨浙江一總專累運軍苦不勝言且各衛所除正軍之外餘丁尚多空閑比之江北人少差繁大有不同呈乞定奪緣由看得所呈俱為拯救漕運困憊之法相應議處如蒙乞勅工部計議合無行令本部管理浙江抽分廠主事不妨原務會同都司掌印并運糧把總官推舉省下衛所能幹指揮一員承總千百戶二員分理預於二三月將各衛所該造船隻字號開報都司類冊轉行布政司務在七月以裏關出料銀并各官於杭州前等十二衛所空閑軍餘內選其殷實者亦照

運軍事例每名辨銀二兩四錢扣計衛所五年一次該造船隻多寡合用銀數明白委官收受與前布政司料銀通解抽分主事處查驗給發買料雇匠俱於原設杭州官廠內如法打造務要堅完什物齊備領駕裝運若有侵尅料價造不如式違期耽誤等項情弊備細參呈漕運衙門處治施行

十六年

造剥船置布袋舫運京糧

都御史臧鳳總兵官顧仕隆奏切照每年各衛運糧多至六七月內到京彼農務正忙大雨不時車輻數少泥淖難行須用厚價雇車方肯裝載往往脚價使用不敷揭債上納展轉遲悞職等思得京城大通橋至張家灣一帶河道乃元時轉運通渠國朝永樂間設立漕運循其故道船得抵京交納自後

張家灣水旱車船人戶與夫包攬光棍之徒要行窺取漕利巧生奸計妄言搖動遂將此河廢置不行正德元年有定議者復舉興脩題奉

欽依工部差官會同漕運參將梁璽用銀二萬餘兩雇倩

夫匠重加挑濬糧運又曾抵京上納未幾又被項積年奸徒設計阻滯仍前不行近年營造大木悉由此河拽運到京即此度之糧船雖曰難行到船必有可行之理或者以爲地峻水急不能由閘而上臣等愚見若得將此河原設五閘少加修理每閘下設六七塊水大聽其漫流水小任其積聚每閘審度河道濶窄各造大小剥船五十隻用軍四名共一千名候北直隸總下官軍運糧到灣之時借用駕使恐不能齊一聽參將王佐委官雇人撐駕本總把總并該運官交糧完日就彼管領仍置口袋一萬條各衛輪番領裝糧米盤上剥船運軍協力輓拽參將王佐總爲提調催督逐閘盤運

雖遇陰晴汚濘亦可達京大意相同漕江各壩盤船之法若或天晴道乾亦聽分雇車脚水陸並進庶獲濟益職等每思漕運日固使用日繁若專守舊法恐難拯救此河一行亦可少殺車脚之費矣如蒙

勅該部從長計議行臣等於淮揚地方動支漕運官銀雇募夫匠打造剥船置辦口袋完日送叅將王佐處聽其委撥官軍管領船行之日省出脚銀以備下年添造剥船并各閘及近城地方蓋造廠房堆放糧米以防陰雨騰卸剥船毋使停滯若有假託勢要名色包攬口袋及車戶光棍人等敢為倡率妄言詎壞或別生奸弊盜決河防聽科道官舉劾并行叅將王佐督同通州分守等官訪拿問擬重罪枷號仍發邊衛克軍庶奸徒知警洋議自息而漕運可行矣

令各衛所撥補軍以足駕運

都御史臧鳳總兵官顧仕隆奏照得近年以來各衛運軍或遭兵火或為火傷月糧不得以口又加私債追逼率多逃亡每船見軍不上五七名少者止三二名甚至全船皆無而滿船錢糧須要雇人拽運攔頭扶舵者一人用銀三四兩常行用銀一二兩大約每船用銀一二十兩俱累見在官軍將行月糧或借債或盜支官糧那移輕賚打發年全虧糧累債多因於此往年臣等

奏該戶部會官議擬請

勅南京兵部各該巡撫漕江巡按撥補回奏至今各總衛所運官開報數目仍是虛捏詭名全無着實人丁到運較比往年且益增多推原其故亦因衛所營伍空虛差繫人少徒費虛文終無實効運道之累何以興復臣等又查得漕運船隻比先年間漕江

湖廣南直隸軍衛有司料價不缺南京江北山東
提舉司銀兩不少在運又有餘銀貼助挨年打造
領駕依時縱有風火損壞隨就給料造完自遭流
賊燒劫之後各總運船悉皆阻蔽又值連年南北
河道大小彌漫沉沒漂淌雖經照例行文造補但
軍民料價年年不得依時關領而提舉司應領各
抽分木價又改別項支銷以致拖欠數多在運亦
無餘銀幫助至於江南軍衛料銀係扣運軍月糧
湊補今則月糧又無是以衛衛缺船裝運負累官
軍或借債暫買舊船或加派別船帶運載重難行
常遭損壞臣等上年節會奏

往軍衛有司任俸催徵累經行文竟如故紙全不遵依比
之往年料銀益多拖欠運船愈加數少如蒙乞
勅戶部從長計議如運軍逃故甚多糧運難行衛所丁盡
差繁無軍可補作何通融僉點纔得克足務使船
船有軍駕運不誤且免雇人累債之苦仍將遭風

失火被虜沉沒損壞等項船隻通查見數不拘常
例大處工料期在一載之間併為造完給發領駕
大抵漕運准在軍足船足有司糧米早徵官軍月
糧不欠勿勞行催自然儉運如期交納不誤亦無
是糧累債之苦而漕
運廢政亦可復矣

區處各軍未支月糧

都御史臧鳳總兵官顧仕隆奏照得近年以來有
司倉庫處處空虛節據各該衛所申報或運糧官
軍告呈該支月糧有一二年或十數箇月至少三
五箇月不曾關給家口嗷嗷張頤待哺又加運道
積負百端凌逼苦不得已遂多逃亡臣等上年節
會

奏行各撫按官查給至今未得實惠如蒙乞
勅該部從長計處今日運軍月糧久欠數多有司倉廩空

虛作何設法通融區處不拘銀米均為補給區濟困若急救倒懸勿徒虛文務臻實惠庶軍有月糧人心攸繫而饋運効勞樂於趨事矣

分豁運糧違限官員

都御史臧鳳總兵官顧仕隆奏查得先年定立過淮完糧期限山東北直隸正月以裏完報五月初一日完江北官軍十二月以裏過淮限七月初一日完南京江南正月以裏過淮八月初一日完湖廣浙江江西三月以裏過淮九月初一日完皆前地遠近大率過淮之後在途延任有違原限問以罪名情法皆當近年有司怠政玩法其兌運糧米視為故常有三四月問方纔徵者有八九月不曾完者屢經參奏已將存司提問罪名每年仍將領運官員不分完兌遲早照依原限問罪檢會律

內凡因事致罪不必坐所由今所在有司已坐徵糧違限之罪而運糧官員又坐納糧違限之罪所以人情不堪問肯上運如蒙

勅該部會議今後運糧官員違限者查照過淮并兌完到船月日計美本程准與分豁庶幾情罪相當人心自服而職官亦勉於從事矣

禁約通倉官擅啟家阻害運軍

都御史臧鳳總兵官顧仕隆奏近年通倉前後歇家謀同把門官攢人等不容車驢進倉逼令堆放各倉門前用錢打點方許進倉偶值暴雨淋濕虧折且又乘機盜取乞

勅戶部出榜禁約仍聽巡倉御史拿問施行前件依擬

各處災傷設法補足運納不必臨倉支運

刑科給事中田賦奏查得先年舊例江南蘇松常鎮四府糧米俱民自運赴瓜淮水次聽江北南京各總官軍領兌成化年間始罷瓜淮之兌官軍雇船過江就各州縣水次領兌於是始有過江帶耗之加該納糧木務要照依原樣乾圓潔淨糠粃粗碎者俱要晒揚不知後因何例免其晒揚於是又有補濕補潤之耗由領兌之說蓋欲軍得脚價之費民免轉運之勞是交便也今則年久事定人玩弊多不復如昔何者府縣徵收之期多不如限每每延至四五月間官軍加耗之講又復多求往往致爭毆訟人命民料其運迫必揮和然後肯加軍挾其米低必加多然後肯兌愆期悞運損民害軍其流之弊已至於此將使監兌親臨以禁之歟水次不下五六處所就使一到即完亦必窮年始過月日不足也將欲委官以下之數可任委用者少况軍民無統不遵戒飭若曰申明禁約則亦徒文

其耳勢自不能也至於濕潤之說尤為百弊之源何者耗以濕潤為名則米中已不堪矣就使盡數必然虧折况各該運已不虞後患止利目前一得潤濕之糧遂為附於已物易賣銀兩上下交侵把總則每船提取衛總則每事銖科及至上納不足不免借債掛籌年累一汗弊日益弊今歲若淞江把總都指揮韓平之剋取處川衛指揮才湧寧波衛千戶馮欽等之贓犯皆是物也查得戶部議單內開有兌運糧米江南直隸五斗六升若民自運至瓜州兌軍者四斗一升運至淮安兌軍者三斗六升是亦未嘗不許民之自運也柰今議者以為若復水次常創倉廩與其煩擾曷若從舊是殊不然凡事窮必變變而後通今茲之患是在不從舊耳瓜淮一定則軍船必限十二月取齊民糧必限正二月運赴船必先至糧至輒兌皆軍必於船固無待於倉廩而又臨之以監兌督之以漕司有司

有警場預徵之心運官無需索勒增之弊職愚以爲莫大之便又見得湖廣今年兌軍俱係晒揚好米並無暴潤之耗軍民各無爭怨情法亦爲大公以是推之則直隸浙江未必不可行也此二者非新創之紛更乃復舊之良法而絕漕運之大弊者乞

勅戶部再加議處或盡革過江之耗米以復瓜淮或盡革

軍潤之補增如法晒揚預行各該衙門俾知從新

奉憲依法交兌

奉憲依法交兌

以通糧運

奏書 臣孫總兵官楊宏題奏請

奏書 臣孫總兵官楊宏題奏請

奏書 臣孫總兵官楊宏題奏請

奏書 臣孫總兵官楊宏題奏請

務見成功如或怠玩偏執罪有所歸

憐恤運軍阻凍之弊

總兵官楊宏奏案照先爲乞

恩憐恤運軍連年凍阻困苦事據江西都司鉛山等衛所

運糧旗軍陳真捌名告稱先於正德六年分糧在

船行至棗林間被流賊燒燬船糧殺死運軍正德

七年有司運糧行至中途凍阻糧米寄囤臨清等

處欠年分派見船帶運正德八年軍船方得回所

及船完赴兌又遇有司無糧守候三四箇月不得

交兌因此連年守凍掛籌累債賣產三五平不得

回家多致死於道途正德十四年五月船到水次

修完開兌間又值寧藩作亂取船搭橋大船經過

折毀上裝累軍借銀重復修整又蒙撫按衙門行文將糧停止不得交兌起運正德十五年兌糧在

船行至浦縣廟道口凍阻三箇月餘次年四月船
方抵灣改撥通倉納完七月方纔回到儀真壩下
余把總差官截留聽兌又拿家屬在船領兌即今
各軍船糧已到淮安又被清河迤北一帶河道水
勢漲發溜旋鹵湧河岸水高數尺道路湮沒通無
捧路難以挽拽准支到京以程計笑二千五百餘
里未知何日得到中途又遭凍阻軍貧衣食不克
逃竄難保乞憐分處等因到臣已經會同總督漕
運都御史陶琰議擬要將鉛山等衛所正糧一十
五萬四千三百三石六合連耗運至常盈倉收候
下年查有被災州縣折收輕賚存下軍船改撥運
納緣由具本會

題外續

該戶部郎中李獻可將前項糧船催賚行至臨
清一帶見今凍阻不能完納本年十二月十九日
據原差查催糧船淮安衛千戶張鈇查得各總自
北河起至臨清共凍阻糧船二千三十七隻已

之數卻將正德八年九年該運天津糧石改於通
州倉補納省下寄國脚價餘耗給與寧波等衛完
糧并修船等用其寧波等衛借過脚價待以後年
分陸續償還存作債本收用庶幾脚價有補額運
不失矣

凍阻糧米俱改通倉上納駕回空船修船

都御史張紹總兵官顧仕隆奏查得漕運船隻先
被流賊燒毀一千五百五十二隻補造止完三分
之一今年又因流賊擾攘被阻重船二千一百八
十五隻回空船一千三百一十五隻其備運正德
八年糧諸例該正月初旬船到水次并待守至永
消駕回領兌未免稽遲又行誤事且使有司得以
藉詞說軍船未到不肯依限完糧合無行令湖
廣江湖南直隸把總官員將前東阻船隻守候河

開空船先回重船完糧之日即便作急駕回俱至
儀真瓜洲壩上摘撥官軍設法備料修船堅完往
泊若數內有及年分打造并不堪修船者另行其
餘一隻不許放回一面先行督率官旗人等前去
水次將糧米領兌完足自雇大樣江船裝赴瓜儀
壩下復載備運交納前件凍阻糧斛仍令本衛所
船裝運內該京倉交納者俱改通倉上納與該通
倉上納者俱免晒以便船隻早回京倉改通倉照
例每石加收脚價米一斗免晒每石加收三升其
脚價并免晒米每石俱准折銀五錢太倉銀庫交
納願納本色者聽前項米
石俱不挨陳先行放支

九年

遭風船糧所在官司勘實奏豁

奏

明詔未蒙該載所以運軍沉滙之疾尚未痊復也右非奉
且處置恐二三年之間掛欠之累負債之舉勢有
所不免而見在疲敝官軍愈加逃亡則漕運之事
日入於廢壞則可憂之甚者也臣等查得節該漕
運建議事例開載成化二十三年弘治元年二年
四年各年兌改折銀六十萬石八年蘇松等府折
銀八十萬石江西湖廣僻遠不通舟楫州縣派該
兌改糧米每石連耗例准折銀一兩二錢九年十
六年各折銀糧一百五萬八千石十一年十八年
節奉

詔免明年兌運糧十分之二正德四年折銀糧一百萬四
千四百石十四年折銀糧一百四十二萬石彼時
軍船不缺奉宜行之所以公私既為兩便軍民兩
沾實惠如蒙伏望

皇上軫念漕運軍國大計所繫船隻缺少運軍凍阻官軍

十分苦累云

勅戶部計議合無將各省并直隸府州縣曾經兵火及地方災傷懸遠上處各該起運漕運京儲查照節年寬徵本色折糧事例量徵折色一百萬石以省運船不足之數行令各該有司徵收銀兩解部支銷將凍阻船隻軍士暫存辦料補造缺少船隻如此則民受一分之惠軍免十分之苦凍阻之船不為誤運缺少之船可漸脩補漕政庶可脩舉

造補焚溺運船

總兵官楊宏奏看得所議運船被盜焚燬遭風沉失或被旗軍盜賣軍民料價連年拖欠愈累愈疲通查漕運見在不堪裝運淺船的有若干將沒官銀兩量數撥發工部專差屬官二員領木地方買料完造給軍領駕并催軍衛有司各年拖欠料價以備添補一節係是修復漕政經理

國儲至計相應依擬舉行及照前船該提舉司造者本部見有主事在廠專管該原衛所造者地方自有司府管官可委本部若再差官不無繁擾合無命下之日本部移咨漕運都御史總兵官嚴督各該運糧

把總官員通查各總缺欠未補損壞不堪淺船各若干隻直隸南京

中都 江北山東渡洋北直隸等總淺船脩行清江衛河

二提舉司本部委官主事責限依式補造如工料不敷查照舊例如該軍辨徑呈漕運衙門如該官給徑呈本部各另催辦足數應用隸江南江西湖廣等總淺船脩行各巡撫都御史督同守巡知府等官責限各該軍衛有司查照舊例軍辦若干官給若干出辦補造如是工料不敷徑呈巡撫巡按衙門設法撥補足數應用通限一年之內補造完足備細造冊

奏緣仍各責成把總官員嚴切管束各該衛所官旗務

將船隻愛惜不許作踐盜賣以後但有損壞缺少以致雇買民船湊連罪坐把總官員如是損壞數多參究罷黜正德十六年十一月初三日本部左侍郎趙璜等具題本月初五日奉

聖旨是欽此備行刊臣除欽遵外會同總督漕運戶部尚書兼左副都御史陶琰查得節據江北直隸把總運糧指揮鄧良呈開本總共缺船四百五十九隻江南直隸把總運糧指揮戚景通開呈本總共缺船三百七十一隻遮洋把總運糧指揮王讚先呈開本總共缺船一百二十四隻續呈報缺船七十六隻共二百隻江北直隸把總運糧署都指揮楊仁呈開本總共缺船二十九隻山東把總運糧署都指揮馬縉呈開本總共缺船一百五十五隻北直隸把總運糧署指揮使孫機呈開本總共缺船八十一隻湖廣把總運糧署都指揮僉事蘇潤呈開本總共缺船七十二隻

都留守司把總運糧署都指揮李輔呈開本總共缺船一百七十一隻江西把總運糧指揮余大綸呈開本總共缺船五十一隻浙江把總運糧署都指揮葛表呈開本總共缺船一百九十一隻南京把總運糧指揮梁端呈開本總共缺船九十二隻把總運糧指揮周漢呈開本總共缺船一百六十六隻通計各總共缺船二千四十四隻查得前項船隻除浙江湖廣江西江南四總各都司衛所自造外南京江北鳳陽等五總運船俱於清江提舉司每年成造五百二十三隻八分遮洋山東北直隸三總運船俱於衛河提舉司每歲成造一百四十七隻五分料價俱於杭州蕪湖并清江提舉司三處抽分相兼各衛所軍辦料銀兩平收買板木油麻釘灰等料該衛委官支領打造以備各總領運已是定規近年以來各處銀兩拖欠數多該廠缺料造船衛河提舉司弊壞已該給事中田賦具

奏處置更改近據管理清江提舉司工部委官主事丁
璜呈開杭州抽分廠節年拖欠銀一萬一千八百
三十八兩四錢五分三厘六毫蕪湖抽分廠節年
拖欠銀三萬七千八百七十八兩五錢七分四厘
蘇州揚州淮安三府節年拖欠人匠銀三萬一千
三十三兩八錢通共拖欠銀八萬七百五十八兩八
錢二分六厘六毫本廠缺料造船除欠客商料物
銀四萬二千餘兩行據杭州城南稅課司抽分廠
主事范璵續催起解銀一萬三千二百四十四兩蕪
湖抽分廠主事張珮起解銀一萬五千六百九十
兩九錢四分揚州府徵解人匠銀九十三兩通共
解到銀二萬九千二百三十三兩九錢四分到廠要將
解到前項銀兩給還客商除欠料價等因查得杭
湖二處抽分年例止該銀二萬七千七百八十兩
若將前項解到銀兩給還商欠則見年船隻依舊
無銀買料不免又賒料物打造下年徵到銀兩仍

還客欠年復一年利歸木客患貽運軍且以見在
價銀兩平收買其奉在官庶得物價相應木料齊
足便於打造若如所擬將見銀給還木客客常有
餘官常不足其權在商任其增價一船之木止值
時價銀四十五兩務革足六十五兩方肯除借物
料既遲造船亦遲何以濟事切照抽分廠專為漕
船而設所抽之銀積年拖欠致有賒借之累則抽
分之利似為木客而設此豈創立抽分及船廠之
意哉查得運船一隻該運正耗米四百五十石今
各總缺船二千四十四隻該運米九十一萬九千
八百石非雇覓民船入運則麗派軍船加帶船廠
既無及時可補之船則船廠委官亦為虛設即今
漕運狼狽已極最要者莫先於船隻除將節次取
到蕪湖杭州二抽分廠拖欠木價并揚州府人匠
共銀三萬九千二十三兩九錢四分給還上年賒
借木客銀一萬三千四百八十三兩餘銀一萬五

千五百四十兩擇委管廠把總指揮王端會同守備儀真等處署都指揮蔡霖揚州府同知常會於儀真地方兩平收買楠木二千一十四根約穀造船三百三十三隻每隻給見銀四十五兩共用價銀一萬四千九百八十五兩外船一百九十九隻八分扣該用楠木一千二百根共該價銀八千九百九十一兩今止有餘銀五百五十五兩外少銀八千四百三十六兩又差指揮等官陳章等前去蕪湖抽分廠支取就於湖廣地方收買未到即今江北把總楊仁總下高郵揚州等衛糧船已於十月二十五日陸續過淮其餘梁端等總下衛所船糧臣等差官分投催儲其鄧良等十二總缺船二千四十四隻該運正耗本色糧米實是缺船裝運未免仍前雇覓民船裝運其所雇船價必於損耗輕賈銀內取用倘有不敷借債累軍誠為漕運大害况各官軍該得俸月等糧連年未支十分

疲敝加之船隻缺少負累逃亡數多管運官員束手無策漕規廢壞至此已極臣等伏覩正德十六

年四月二十二日

詔書內開荊州杭州蕪湖三處抽分廠專為打造糧船成造供應器皿而設以省科派小民之計近來兩京各監局相沿具奏差人赴蕪湖廠支取杉楠等木數多又有內官監差官中半抽分二年有餘致將造船銀料不敷支給累及運軍出利揭債缺船運糧耽誤國計今後南京各監局合用竹木聽於本處龍江瓦屑神木廠并真定蘆溝橋等抽分廠支取其內官監原差抽分太監李文等詔書到日即便回京以後不許援例奏差欽此欽遵臣等有以見

皇上洞察運船缺少之害

明詔復其舊例清江衛河二提舉司造船料銀不患拖欠之弊漕運之幸

朝廷之幸也為照該部所議如或工料不敷查照舊例如該軍辦徑呈漕運衙門如該官給徑呈本部各另催派足數應用隸江南江西浙江湖廣等總淺船備行各處巡撫都御史督同守巡知府等官責限各該軍衛有司查照舊例軍辦若干官給若干出辦補造如是工料不敷徑呈巡撫巡按衙門設法撥補足數應用通限一年之內補造完足倘細造州

奏繳固為明白臣等查得衛河提舉司造船料價逐年不缺其清江提舉司額該淺船五千三百二十八隻十年一次打造每年該造淺船五百三十二隻八分每船一隻該大料銀五十九兩八錢小料銀五兩二錢共銀六十五兩通該共銀三萬四千六百三十二兩兩年例取蕪湖抽分廠銀一萬四千五百四十兩杭州抽分廠銀一萬三千二百四十兩共該銀二萬七千七百八十兩全數解到止設造

船四百六十四隻五分大料尚欠船六十八隻三分不敷料價銀四千八十餘兩原無坐派及查各衛軍辦料銀每船該銀三十五兩以船五百三十二隻八分算該銀一萬八千六百四十八兩年列止派銀九千五百八十兩五錢不敷銀九千六百七十五錢俱因不穀一分打造之數連年賒借木料亦由於此其節年事故船二千四十四隻係無底船下落每年額造以外之數亦無料價縱行各巡撫等官不過催完年例軍三民七料銀止穀打造見年一分之數前項船隻終無銀兩難以成造完足臣等猥以庸庸受茲重托急欲完補運船以復漕運但今缺船數多料價昂貴以萬計委的無從擘劃夙夜憂皇偶有管見不容緘嘿如蒙伏望聖恩軫念漕運兵食軍國大計運船不足糧運攸擊乞勅戶工二部會議轉行巡按南直隸并浙江監察御史會同各該監兌主事將杭蕪二抽分廠并蘇揚淮三

府各年拖欠銀兩逐一清本將已收在官者并見
年徵完銀兩儘數解淮轉以清江提舉司兩平買
木督匠打造其拖欠無徵銀兩遇蒙
恩宥寬免似難再徵所司無從完如合無將兩淮運司見
收沒官引塩內准給三十萬引招商納銀每引一
道赴兩淮運司收銀伍錢兵奏一十五萬兩分發
各提舉司及江西湖廣等都司買料上緊打造庶
得補足節年漂流燒燬墳失盜賣缺少之數船無
缺欠不誤領運而京儲重務免致
延遲漕司舊規亦有修舉之望矣

停免支運倉糧

尚書陶琰總兵官楊宏七奏照得正德十六年漕運
兌運糧三百三十萬石改兌糧六十二萬九千四
百石支運臨清倉糧七萬六百石湊足歲額四百
萬石卷查正德十年該戶部會議將山東河南二

布政司該運臨清倉糧七萬六百石免民上納亦
亦改兌通前共改兌糧七十萬石官軍駕船就各
川縣水欠一同交兌起運民省轉運上倉之費軍
免重復在倉支領陪補經行數年軍民兩便後被
該倉官吏斗級人等要得出納圖利朦朧且

奏將

已改兌糧七萬六百石仍舊民運臨清倉上納又
令官軍赴倉支運軍船到於河下支領斛面往往
不足一石止得九斗有餘運至通倉不穀交納又
要買米少補方得完足所用車脚等項又要於兌
運輕費私銀內空貼令雖衷多益寡牽補上納未
免不足通致負累且兌運雖有脚價耗米僅穀完
納本糧之用况江南江北糧運近年苦為私債壓
累軍困未甦若復因彼累此徵蒙

恩詔蠲免債負罷赦如昔漕運難以復舊如蒙乞

勅戶部從長計議合無仍照先年會議事例將臨清倉糧
俱坐改兌就令軍船於各州縣水次與正兌糧米

一同交領不必支運累車補陪惟復將河南山東
迤北該上臨清倉糧令各州縣部運民戶徑自運
赴通州倉交納奉

聖旨准免支運

區處改兌耗糧

尚書陶琰總兵官楊宏奏據江北把總運糧指揮
鄧良呈照得本總近年額運正糧五十二萬
三百二十八石兌運者分爲京倉七分通倉三分
改兌者八爲京倉四分通倉六分各照數分撥外
本總該運江南兌運糧斛每石例加隨正耗米四
斗變易米二斗九升以爲沿途盤剥在船車脚等
用改兌糧米淮安府糧每石例加隨正耗米二斗
五升變易米二升徐州糧每石例加隨正耗米二
斗變易米一升山東布政司糧例加耗米一十七
升俱隨正糧上納所得耗少車脚使用不敷即於

江南兌運糧內每改兌一石空貼銀一錢五厘
外有支運臨清德州倉糧亦要貼脚價銀一錢五
厘其山東兌運每石例加隨正耗米二斗五升變
易米一斗六升值銀八分因不穀應用每石亦於
南糧內貼銀三分先年京脚頗賤有司糧早不遭
凍阻僅穀完納近年以來先因扣減江南耗米流
賊搔擾河道燒燬船糧車脚高貴使用浩繁迭遭
水患年年凍阻軍貧糧費掛欠帶運者多積累債
銀巨萬軍窮船壞日漸凋零深爲貽累不便卑職
查得改兌糧米各節四十分納亦與兌運所用銀
兩相同縱有空貼之名亦是損此益彼之弊止可
一時奉宜終非經久之計各衛南糧連年被空數
多亦有不足完納借累債負豈可貼助前項糧運
如蒙乞將改兌江南糧米加耗行令各該有司照
依兌運耗米則例量爲增添相同領兌惟復將改
兌糧米准令全上通令省空脚價以幫完糧車脚

等項不足之用俱照兌運抵斛於南糧內量處貼
取於內雖虧所損不多其額派支運倉糧照舊於
南糧每石完貼銀一錢五分相幫上納如此庶北
糧易納南糧不虧運限不悞軍困少蘇便益等因
到臣看得所呈改兌淮安徐州并山東耗米數少
不敷使用要照江南兌運則例量增耗米或准將
前項糧米俱於通州倉上納省完脚價以幫完糧
車脚等項不足之用其支運倉糧照舊於兌運脚
價內每石完貼銀一錢五分相幫上納一節無非
邪借有餘牽補不足之意耗米不敷者不獨淮安
徐州山東司府州縣其鳳陽州并河南司府州縣
亦各相同查得兌運改兌名雖不同而費用則一
京倉通倉上納雖同而脚價稍別况支運既無耗
米尤難到倉若非量為處置非為改兌有累支運
難完而兌運輕費不足以供二項之用均於負累
愈難擘劃矣如蒙乞

計議除支運米仍於兌運脚價內完貼上納外
合無料改兌糧內每石量增耗米三升大鈔銀
一分之上以為車脚等項之用惟復不加耗米俱
在令通州倉上納在民所增不多在軍實有所濟
况糧本出於民之正賦官軍不過代彼轉運今使
之那移江南輕費完貼又舉借債負使用官尚昧
之民豈能知若但以為害小而真之不理則軍逃
事廢漕運重囚京倉不克
國計不足恐先年直達之累復及於
民每石所費不止於三升而已

添給鐵斛以便交兌

尚書陶琰總兵官楊宏奏據江北直隸把總運糧
署都指揮僉事楊仁所呈看得原降鐵斛數少交
兌較勘不便及為有司延調要乞但係有糧州縣
并把總有此而各總恐亦坐此遲滯委的斛少交

允不便如蒙乙

初戶部計議合無將江南司府州縣并管運官俱准添給
鐵斛一張隨便交兌庶免耽延日月遲誤糧運惟
復比照近年京通二倉製造木斛較勘停當用鐵
包裹火印記號凡遇交兌軍民相較無差即可應
用似亦省便奉

聖旨准進

斛

嘉靖元年

應議事件先奏候到京之日面會

戶部議擬題

往自本年為始行移漕運等衙門七月以裏各將應議事

件具

奏本部八月以裏會議通行徵派不必拘定漕運都御

史總兵官催備到京然後會議看得漕運事且

在彼中難以遠度必須都御史總兵官親來會議

庶得曲盡今後各官合無仍照舊例每年八月以

裏務要依期親身赴京將應議事件具

奏會官議處永為定例不許擅改若有地方重火事情

擅難摘離臨時具

奏定奪

填給水程稽查違限

戶部題每年派糧之際漕運衙門將水程日數列

為圖格給與各幫官員收掌令其自到水次投文

開倉較斛驗米晒揚交兌完起程過淮到京起

糧及中途守風等項行止地方日填一裕同原幫

帖赴部查考事完齎回漕運衙門查究銷繳無故

違悞運官照例任俸問罪若有司交兌遲延將運

官分豁罪歸有司此係都御史邵 題
 准事例今後合無仍行淮徐等五倉收糧部官不妨原委
 各印刊花欄票帖候糧船到彼即便各照地方如
 淮安至徐州筭該水程若干日即為嚴限填定每
 一運官給付一張令其星夜前進齊至徐州收糧
 部官處照限查考違者痛加究治不許輕縱慢事
 亦不許因而拘留聽點反致遲悞其徐州催至臨
 清臨清催至德州催至天津天津催至通州俱照
 此例每年九月終仍將各催過運船互相交付隻
 數并違限遲悞官員備細開具揭帖呈報本部以
 憑查對察究

額兌糧米每年造冊繳戶部等衙門查考

戶部題正德十五年四月內題
 准每歲春初水次兌糧之時就令軍衛有司在彼會同造
 冊五本內開某年月日某府州縣兌與某衛所兌

運或改充正糧米若干隨船耗米若干折價運賣
 若干水濕加增米若干一留有司備照一送漕運
 衙門一送戶部二送京通巡倉御史如某衛所納
 糧先完就於造取通關之時備細開具沿途及到
 倉花銷使用揭帖并一應文卷徑赴巡倉衙門磨
 筭照例前項原兌數目有無餘剩多寡並以遲早
 完欠分別賢否等第照依
 欽定事 例量為黜陟舉劾筭有羨餘銀米責令盡數交收
 太倉銀庫作正支銷仍取倉庫實收繳報此係御
 史楊百之建言本部依擬題
 准事件今後會造文冊合無仍添造三本一送京通總
 督一送漕運郎中一送監兌官處各收掌查考

差官通州查理船糧腳價

戶部題正德十二年三月內該給事中張大性題
 本部議

准監充官到於水次兌糧完日將糧數脚價備行發運官
照數查催另選公勤運官一員殷實運軍二名協
心看守糧米并脚價銀兩公同隨帶前去沿路隨
宜支用附寄明白其本部備運郎中遇有木次尤
過糧米脚價運船過江嚴限備運不許遲悞到
之後聽新添參將查筭中間若有短少虧欠之數
就於經手官軍下照數追完補陪情犯重者指實
奏送問參將近革今到濟
查筭一節合行議處

運官犯贓查例問擬

戶部議擬題

運糧把總指揮千百戶等官索要運軍常例銀兩及科
索軍上財物至十兩以上者問罪各降一級二十
兩以上者降二級三十兩以上者降三級至四十

兩以上者仍降三級發回本衛帶俸差操再不
用其跟官書美人等指稱使用等項科索軍士銀
物侵欺入已至十兩以上者拿問邊衛充軍各總
運回過淮務要將往回用過財物造冊一本呈送
漕運衙門稽考今查前例不拘科斂多寡悉問立
功瞭哨後例却分等第輕重其罪與前不同今照
正德五
年例行

有司正耗糧米不許折納輕賈

戶部題弘治十三年奏

准官軍漕運將正耗糧米照數交兌不許折收輕賈及中
途糶賣違者軍餘欠十石小旗五十石總旗欠一
百石以上者俱問發邊衛瞭哨百戶欠三百石千
戶欠五百石指揮欠一千石把總都指揮等官欠
三千石以上者俱問發原衛帶俸差操若總欠數

多總督漕運總兵等官另行奏請定奪原賣官糧責代領運交納所得價銀入官今查罰例以為太輕故人易犯合照律例問斷

運軍許帶土宜附搭客貨參問

戶部題查得舊例每糧船一隻許帶土宜二十石又見行事例內一條漕運船隻除運軍自帶土宜貨物外若附搭客商勢要人等酒麵糯米花草竹木板片器皿貨物者將本船運軍并附帶人員參問發落貨物入官其把總等官有犯降一級回衛帶俸差操合行漕運衙門并僉運郎中及巡河御史管倉管洪管閘郎中主事每季終將修理過河道工程採辦過樁草錢糧催饋過輕重糧船數目與夫水程深淺緣由造冊奏繳仍報戶工二部并漕運衙門查考以為各官任內政蹟若有仍

逸廢政者聽科道官察訪舉劾

查議理刑衙門回報公文

總兵官顧仕隆奏查得比先年間漕運衙門原有刑部奏差郎中或員外主事一員問理刑名遇有官軍犯罪從總兵官受詞劄發理刑天順間始添總督漕運都御史則總兵官會同都御史劄發問理各呈詳發落此

祖宗舊制萬年可行且臣欽奉勅內明開運糧官軍有犯拿送理刑衙門或巡按巡河御史問理照例發落近年以來問理主事有失遵守如蒙乞

勅該部詳議合無今後詞訟問結呈報各御史處詳允至日備招呈總兵官知會

給發沒官銀兩造船解事故運軍

總兵官顧仕隆奏查得漕運自正德六年遭流賊焚劫之後加以水患頻仍車脚高貴而倉家收受刻剝使用大繁官軍大困積債數多逃亡無算愈救愈敝竟難興復緣漕運重務全在足軍足船臣嘗查點得每船運軍十名多者不止五七名少者止一二人名甚至全無一軍在船者累行督補每據各衛所回稱軍士出自有司有司不解軍衛丁盡人絕委無以補至於漕船節被盜賊焚燬及遭風水次沉沒漂流或被旗軍盜賣者甚多累曾具奏補造奈何軍民料價連年拖欠更兼運軍窮苦迫無底船只得將料添派各管河等官一體查訪禁約施行

勢豪放債查新例行

戶部題查得見行事例內一條凡勢豪舉放私債交通運糧官挾勢擅拿官軍綁打凌辱強將官糧佳還私債者問罪屬軍衛者發邊衛充軍屬有司者發口外為民運糧官參究治罪正德十六年四月二十二日又該欽奉

詔書內一款漕運官軍借欠債利上加利為害百端自正德十五年以前借者不拘多少俱不許還以蘇漕運官軍困苦以後再借再放者聽漕運都御史巡按巡倉御史查例參奏重治

禁約攔阻運船指勒車脚

戶部題江西湖廣浙江三省兌運糧米每止糧二石外加耗米六斗六升又加兩尖米一斗共計米七斗六升內除四斗隨船作耗餘米三斗六升折銀一錢八分謂之三六輕齎江南直隸并江蘇廬

州等府每正糧一石外加耗米五斗六升又加兩
夫米一斗共計米六斗六升內除四斗隨船作耗
餘米二斗六升折銀一錢三分謂之二六輕費江
北直隸府州每正糧一石外加耗米四斗六升又
加兩尖米一斗共計米五斗六升內除四斗隨船
作耗餘米一斗六升折銀八分謂之一六輕費山
東河南兩省府州縣每正糧一石外加耗米三斗
一升又加兩尖米一斗共計米四斗一升內除二
斗五升隨船作耗餘米一斗六升折銀八分亦謂
之一六輕費今通州參將奉例裁革合行議處
設參將
管理

薊州交糧耗米則例

戶部題惠洋官軍兌運山東河南二布政司本色
糧米每石兩尖加耗三斗薊州交納加八升正德

四年會議題

正兌運加耗三斗一升正德五年會議單內止開照舊加
耗三斗正德六年漕運衙門查例具奏議戶部會
議題

准兌運

加耗照舊三十薊州收交加耗減二十每石六斗
正德十年議申內仍照舊開焉因循至今令行改
正兌運每石照舊加耗三斗薊州
止收耗米六升不用一尖一平

清理河道不許民船越幫

戶部題查得近年以來南北民載船隻往往假冒
雜要蓋造鼓亭張打旗號擺列刑具懸掛牌面虛
張威勢欺凌連船爭搶鬧座甚至所司管河等官
與之通同打放郎中主事又不禁約河道被害糧
運耽遲莫此為甚如蒙乞

勅該部計議合無轉行管河管洪管關管泉郎中主事嚴

併所司各將該管河道躬親巡歷遇有缺口上緊築塞泉源於淺設法挑濬閘座補置鋪舍脩蓋涵洞疏通樹株栽補凡河道事體一遵舊規其民載船隻北行者聽呂梁管洪主事南行者臨清管閘上事按月各置簿籍遇到寫記鄉貫姓名編成次序彼此傳遞除運納供應軍需錢糧驗有官給明文外其餘但係官貨船隻每隻於桅上大書號數字樣仍用油漆以備雨濕擦損混淆之弊并給與呈帖一張收執跟隨運船分岸魚貫而行如九月初一以前每打糧船十隻兼打民船一隻至十月初一日民船聽於徐州灣泊不許入閘打放北來民船十月初一日以後亦不許進閘直待運船過盡方許放行敢有仍前仗勢懸掛牌面張打旗號擺列刑具擅動鑼鼓不聽約束帖號強搶閘座擠塞河道防誤糧運者聽巡河御史管河郎中或買補或雇覓民船帶運年年如此愈累愈疲臣聞得籍沒

犯人錢寧等家財不下數百萬兩皆聚斂天下民財當為天下之用况今水旱相仍軍民困苦將來船料似難徵辦如蒙乞

勅該部計議合無通查漕運實少并見在不堪裝粮淺船酌有若干將前沒官銀兩量數撥發前來工部專差屬官二員請

勅提調於產木地方買料一併營造完足給軍領駕并催徵軍衛有司各年拖欠料價以備添補其事故運車兵部專差屬官二員請

勅分撥前去南京并各都司衛所逐一按籍補選齊足發船駕運其間委果丁盡人絕照例造冊差官徑抵原籍官司清發解補事完之日各官將造過船隻用過銀兩催完料價補足運軍造冊奏繳復

命

補給運軍月糧不許運官侵尅

漕運通志卷八
都御史叢蘭總兵官顧仕隆奏照得漕運軍士頻年勞役寒暑暴露天下至困莫過於斯所望者獨行月糧拯救而已近年以來節據各總衛所領運官呈稱有三五箇月或七八箇月甚至一二年間全不支給至於各軍行糧亦有連年拖欠者家口缺食軍裝無辦妻子號寒命多不保將欲使之出死力挽重舟以泝千里長河亦難矣哉臣累會具奏行各撫按官區處補放至今無闕者數多况近年以來各處地方灾傷起連錢糧往往催徵不足盡將存留糧米轉補是以倉廩空虛月糧無所仰給如蒙乞

勅戶部早為從長計議將何錢糧補放拯救仍禁約衛所運官敢有再將軍士行月糧銀假以還債修船或雇人力或買器物為由飭詞具呈漕運衙門希圖准行乘機侵剋那移浪費者聽漕運衙門就便拿問從重治罪

查催各有司拖欠原借水次支運倉糧

總兵官顧仕隆奏照得淮徐臨德四倉糧米原係民運該倉軍船轉支運納并各所官軍行糧之用近年以來節因地方灾傷改兌糧米徵辦不及該漕運衙門具奏行令官軍暫於四倉內支納候豐歉之年聽各有司照數徵補還倉詎料各該官吏一自改撥之後即如蠲免遺之度外全不經心且如去年以及今夏各處地方亦頗豐熟所司未見徵收或有已徵在官者而捏作未徵通同欺隱那移出納以補別項支銷致使各倉糧多拖欠已往者奉

勅該部轉行各該撫按官今後但遇灾傷於水次四倉借糧支運若次年豐熟即便照數徵完運赴該倉上納補完以克前借之數仍聽戶部管倉主事著實

查催毋令因循拖欠若有侵欺那移等項情弊亦聽各官參拿追完

申明盤詰之例

都御史俞諫總兵官楊宏奏查得洪熙元年欽奉勅諭官軍運糧遠道勤勞寒暑暴露晝夜不息既有盤淺之費糧米耗折所司又責陪補朕甚憫之洪武中有令許其於運糧官軍船內附載私已物件以自資給今後仍聽官軍於運正糧之外附載自己物件官司毋得阻當欽此正統三年戶部復議運糧官軍合遵

勅諭順帶土貨以為盤費不許沿河巡司官兵人等生事阻當成化二十一年漕運都御史馬文昇復又申明以為定例正德八年欽奉

武宗皇帝聖旨說與戶部近年以來漕運軍士為因流賊生發阻截運道燒劫船隻好生困苦先年有奏作

事例許令量帶土貨物以備脩船剥淺等項支費作部裏還行與漕運衙門欽此續該漕運衙門議奏該戶部依擬若裝載客貨照例究治經通行遵依外近年以來江南江北運船俱經小議二處掀挑過壩打發洪關盤剝灘淺直抵京通官費多端勞苦萬狀軍船往回多被所在軍衛有司巡捕管河巡司等官司不知前項節奉欽依事例不分土宜貨物一槩攔阻搜盤拘留索害甚將各軍行李衣裝攘搶一空以致糧運展轉遲滯深為未便如蒙乞

勅該部再行申明前例遵行

設江船以濟僭運

都御史俞諫總兵官楊宏奏據長淮衛運糧指揮使孫興呈昭得江南兌運糧米舊例俱各民運至

瓜淮與各衛軍船交兌自成化八年更改水次漕運淺船俱不下壩江北衛分派兌江南府縣水次糧米者每船備撥旗軍一半守船一半列於各木次聽兌有司另出過江脚米就彼雇船裝載行之年久已是定規先年有司徵糧及時交兌亦早船無留難人皆樂從近年有司徵糧過期官軍留船守候日久以致船戶畏難趨避旗軍恐誤兌裝只得於枝河小港尋覓雇倩又被地方居民或豪強大戶趕打占留毆傷致訟官軍欲雇無船坐待遲滯甚至有司管糧部運等官自知糧數未完故將剩船趕散延捱追徵稽留月日又有等奸猾官軍會集捉船乘機嚇詐虧弊多端致起爭訟如蒙乞勅戶部轉行各處合無自嘉靖二年為始將應天廬州蘇松常鎮等府民糧該兌南京江南江北衛所官軍者聽各把總官預行各該府州縣管糧巡捕等官約量本州縣該兌糧數用船多寡各於本管地方

河道照數拘留船戶候官旗到彼軍衛有司公同議價將過江脚米兩平雇覓轉運不許虧損脚價致令怨嗟餘剩脚米仍作過壩挑盤之費若衛所官軍仍前強捉嚇詐地方勢豪仍前趕打占留應拿問者拏送所在官司問罪應叅奏者轉呈漕運衙門施行

二年

不許變賣拆毀壞船

戶部題成化九年工部題

准總督總兵等官轉行各處衛所將運糧官私料造船隻每隻出印信文憑一紙開寫原編字號料力打造緣由付與駕船旗軍收執運糧如遇糧完某船損壞不堪駕使明白告知親管官齎執前項文憑并不扶結狀赴大同關提舉司告委撥官匠相看是

實就將文憑收銷附卷官船着令拆卸帶回該衛
或清江提舉司交收自造船隻聽從發賣仍送通
州抽分竹木局照例拆卸抽分并行張家灣巡檢
司常川巡視但有擅自拆賣官私船隻捉獲到官
轉送法司問罪追船并板片入官正德十五年又
該御史楊百之題戶部議

准漕運衙門如遇運船回空之時務照前查理驗實放行
及行通州分守等官前去張家灣一帶密切訪巡
但有官軍通同無籍光棍盜賣軍船或勢豪之人
強奪拆卸等項就便擒拿到官查照盜賣錢糧事
例各從重追問明白監陪原船完日問罪發落其
間果係損壞船隻應該變賣者許赴所在官司告
驗出給印信執照方許變賣所賣價銀送赴本管
官員驗封轉送備船處所以備造船公用正德十
六年議

准照後例行仍行通州巡倉御史管倉員外一體訪察

例施

處郵運軍行糧之困

戶部題該提督漕運總兵官楊宏題本部議擬運
軍行糧除漕江江西湖廣漕洋四總照舊本處并
本衛倉分閩支外其餘衛分似難拘定舊例合無
通行各該巡撫都御史轉行所屬司府州縣自嘉
靖二年為始生派秋糧之時將江南江北
中都山東北直隸六總衛所運軍行糧比照九江衛
事例管糧官員每年預先會計扣算明白即以應
運某府某州某衛某所倉分米麥照數徵完就令
民戶運赴水次聽監兌委官查算官軍實數照數
兌與該衛所官軍作為行糧多餘之糧仍令民戶
運赴該倉上納一總出給通關繳照如有缺少就
將庫藏官銀每石五錢折筭俱不許拖欠遲延漕

運衙門將各該衛所官軍合用行糧數目查美明白預行該府州縣坐派支給各該官軍亦不許仍於原定倉分重支冒領違者俱聽巡按監兌等官及漕運衙門參究懲治

禁革借借運軍

都御史俞諫總兵官楊宏奏據江北直隸把總運糧署都指揮楊仁呈切見本總衛所運軍每年糧完回衛例該休息以待新糧領兌近年以來各該掌印指揮等官不遵前例任意借借或拽送黃馬快船或差撥私家聽使或上鋪守門應用有力者出銀買閑無力者輪流差撥生理既妨俯仰無賴以致負累逃亡等因據此照得各衛運軍經年在外衝冒風雨辛苦萬狀幸得完糧暫回正宜存恤休養以候下年領兌今衛所官員不行休恤任意差占應合禁治且不獨江北一總為然其各總衛

所亦有此弊如蒙乞勅議處合無通行各該撫按官員嚴加禁約

申明法例不許拘理該運官軍

都御史俞諫總兵官楊宏奏查得漕運一百四十四衛所領運官員先年俱經漕運衙門選委近來例該戶兵二部會同漕司將把總指揮等官逐一考察賢能者保留在運誤事者退回別差又經通行遵依去後今查江淞直隸衛所運糧指揮等官徐鑾等三十一員俱各不到臣等審據本幫官旗或稱各官因事本管上司拘理者或稱避難在家潛位者或營求別差棄撤糧運者臣等雖經行文催取柰何該管上司不查前例一槩拘留或徑自委官更換甚有中途提回拋棄糧運無官管理者以致積年虧損旗軍益賣官糧任意費臨倉掛欠實由於此如蒙乞

初該部議處合無行移各該撫巡等官今後運糧官軍有
犯除強盜人命等照例拘問其餘小事俱候完糧回
日歸結不許一槩俱拿妨誤其前項避難託故官
員聽臣等轉行各該按察司分巡管官提解問擬
仍自嘉靖三年爲始以後運糧皆歸千百戶等官
但有仍前託故在家或營求別委及船糧到京不
候完糧棄撤先回者聽把總官舉呈漕運衙門提
問應得罪名叅調別衛差操另選勤慎官員管理
補造僨運船隻之闕

都御史俞諫總兵官楊宏奏切照漕運糧儲四百
萬石原額船一萬二千一百四隻每隻該運正糧
三百三十石耗米一百三十二石名爲四百料淺
船以便裏河駕運此皆

先朝大臣經畫良法行之歲久運無廢事自正德六年以
後運船有被流賊燒燬者有被河水暴漲漂流者

有在江湖沉溺者又有經過洪閘磕損折卸無存
者加之官軍虧損正糧因而盜賣以致運糧缺少
共二千一百九隻其該運糧衛所該兌運糧米各
有分派數日缺船頗少者分派槩衛軍船帶運以
致載重經涉長江大河一漕成濤易爲沉溺及入
裏河水脉涸澁亦易淺閣漂失糧米不能完納是
以有掛籌之累或缺船太多帶運不盡雇覓民船
動支輕資銀兩以克脚價僨運到京原來輕齎已
費三分之一京通二倉雇車等項應用不足是以
有借債之累臣已將缺船緣由會本具

題該工部議行臣等嚴督各該運糧把總官通查各
總缺欠未萬損壞不堪淺船各若干隻直隸南京
中都江北直隸山東遼洋北直隸等總淺船備行清
江衛河二提舉司本部委官主事責限依期補造
如或工料不敷查照舊例如該軍辦徑呈漕運衙
門如該官給徑呈本部各另催辦足數應用隸江

南江西制江湖廣等總淺船備行各該巡撫都御史督同守巡知府等官責限各該軍衛有司查照舊例軍辦若干官給若干出辦補造如是工料不敷徑呈巡撫巡按衙門設法撥備足數應用通限一年之內補造完足造冊

奏緣等因備行到臣查得清江衛河二提舉司年例銀兩共軍三民七料銀縱使盡數徵完止殼打造年例一分之數其缺少船二千一百九隻每隻該用料價一百兩計算該銀二十一萬九百兩民辦七分該銀一十四萬七千六百三十兩軍辦三分該銀六萬三千二百七十兩各該地方災傷軍十在營月糧多有拖欠巡撫等官豈能措辦前項議處未免又爲虛文即今運政廢壞急先之務在於船隻除嘉靖元年秋糧蒙准折銀一百四十八萬石見在船隻扣殼運鼻前項糧米目前得以少紓缺船之累其嘉靖二年該起運本色秋糧四百萬

石上有見在船九千九百九十五隻該運糧三百二十餘萬石實少船二千一百九隻該運糧七十餘萬石將何裝運且糧出於民船造於官衛所官軍責在出力挽運而已今船缺數多貽累存船預費輕資不能完糧掛籌累債苦不勝言逃竄死亡莫知其數是皆缺船之所致也若非預處補造給軍領運年復一年漕船愈缺漕運愈累不惟掛籌舉放之弊難免將來萬一致誤人計所繫誠非細故如蒙伏聖

聖旨軫念漕運軍國重務兵食攸繫乞

勅戶工二部從長議處前項缺少船隻該用料價合無將南北二京并江西抄沒犯人田產變賣銀兩捨緩就急照數給發清江衛河二提舉司并制江湖廣江西三省及南直隸各府趙此無事之時分投打造期在來年秋冬時月完備給與各衛官軍領駕以抄沒之私財充漕運之公用實爲相應或銀數

不敷惟復於太倉銀庫將折糧銀先借一十萬兩
給發各布政司并清江等提舉司買料打造仍行
杭蕪二抽分廠於船料銀兩照數扣還康使漕運
船隻不失原額疲敝官軍不致負累而免於稽遲
違限之弊矣

存留輕賚以備運軍贏縮支用

戶部題該總兵官楊宏奏照得漕運糧儲除本色
正耗完糧之數外餘耗湖江江西湖廣三六江南
江北二六山東河南二斗一六耗米照例折徵輕
賚銀兩先年俱係各運官軍收掌裹多益寡隨便
空貼支銷但欲正糧完足不計耗米羨餘弘治以
來用非其人漸有那移提取之弊掛籌累債之名
至正德年間勢要恃強凌逼公然奪去莫敢誰何
已該漕運衙門計議用鞅裝盛以革前弊銀雖頗

存而糧多浸盜京儲掛欠官軍愈困遇蒙正德十
六年四月二十二日

大赦漕運官軍借欠債負不拘多寡俱不許還漕運官軍

幸得甦息前項輕賚仍舊盛鞅印封至通州參將
處查算雇脚支用計筭羨餘扣收在官其各衛糧
船經過水儀二壩及沿途遇淺起剝并置辦隨船
什物無錢支使往往動用耗米官軍乘機遂將正
糧侵費及到京倉交納掛籌復如往年法立於彼
而弊生於此欠糧却於槩總扣算餘剩糧米以補
其數餘下輕賚銀兩以為羨餘作正支銷臣按唐
史裴耀卿為發運使凡二三歲運米七百萬斛省餼
車錢三十萬緡或說耀卿獻之耀卿曰此公家贏
縮之利耳奈何以市寵乎悉奏以為市糴錢宋崇
寧初蔡京為相始求羨財以供侈用用所親胡師
文為發運使以糴本數百萬緡充貢入為戶部侍
郎自是來者效尤時有進獻而轉糶無用矣二人

得失悉載史冊仰惟

國家混一六合富有萬方軍民之財皆

朝廷之財豈賴此完糧餘銀以爲裕國之計伏自

太宗皇帝建都幽燕屯宿重兵數十餘萬歲用錢糧數百

萬石迄今百年中間豈無冗兵利員可以沙汰然

而不能去者由所繫重也至於漕運糧儲歲額四

百萬石出於田里之民收於糧里之手運於各衛

之兵公私耗用豈止千萬石然而不能裁損者顧

所得多也矧輕賚原係耗米以備沿途僦雇水陸

車脚之用折收銀兩以輕運船實非正納之數今

欲筭計秋毫俾無遺餘舍糴卿之至計用蔡京之

敝政誠所謂竭澤而漁焚林而政恐所得不足以

富國將來人情不堪軍逃運廢京儲正糧將有缺

軍挽運之害所繫誠非細故此則可憂之甚者也

如蒙乞

勅戶部合無通行各總衛所管運官員沿途遇淺不許動

米作於輕賚銀內博節支用不許虛銷浪費元糧

之後若有羨餘查照成化弘治間舊規就令該總

收候運回脩驗船隻置辦什物之用備造文冊送

戶部并漕運衙門收照查考把總及管運官以所

存多寡爲殿最大率三年糧無掛欠銀有積餘量

爲旗擢庶免侵用正糧臨倉掛籌累債逼迫逃竄

而亦不亦漕運立法之意也奉

聖旨是今後輕賚銀兩着通倉坐糧員外會同巡倉御史

依擬驗給有餘剩仍還給與各該衛所脩造船隻

不許侵欺尅減浪費果有三年糧無掛欠銀有積

餘照例旗擢孫

孟芳提了問

三年

申復舊規以清漕運

總兵官楊宏奏會同都御史胡錠議照衛河提舉司造船木料先年俱於儀真地方收買回廠打造後因不便奏

准官軍領價自行前來儀真等處打造相距衛河路遠往往無官管束潛踪投賤苟且成就既被官軍侵尅料價又爲匠作包攬板薄釘稀不堪駕運今給事中田賦所奏正切其弊若將年例該造船隻改令清江提舉司管廠主事監造查考事體相應其衛河提舉司係額設衙門不必遷動人匠每名查照淮場等府辦料則例出辦工價并迤北衛所軍三料銀仍令原管閘主事徵完印封并將及年船隻旗甲每年春正月秋九月二次順差官軍領解清江廠買料雇匠其杭蕪抽分銀兩不必取至臨清往復徒勞就行清江廠主事委官帶領別項支銷其船打造完日駕赴原管閘主事處并衛河提舉司驗銷仍照漕運衙門舊規另造衛河船號格帳

冊遇造完口銷註如此則船易監督軍無逃運而錢糧有稽庶爲允當其浙江江西湖廣各衛所船隻原係民造軍領駕連後改一軍三民七辦料官軍領駕自行打造行之年久法弛弊生由是浙江把總陳璠有設廠團造之議給事中田賦又比例推廣欲將江南江西湖廣三總各衛軍船設廠團造雖皆因時救弊之利不爲無益然立法革弊容有未盡是以巡按御史歐珠復有此奏臣等考求始末參酌事宜諺有所見查得湖廣船隻木植及料價銀兩多寡不同有用杉楠木者十年一次改造連底船該價銀一百三兩有用株雜木者十年一次改造連底船該價銀九十兩五錢有用松木者五年一次改造連底船該價銀七十三兩九錢江西用木二等株雜木者七年一次改造連底船該價銀九十三兩用松木者五年一次改造連底船該價銀八十三兩浙江俱要松木一等五年一次

改造連底船該價銀九十七兩此外尚有運軍自行貼助之數且料價既有差等則船隻自有年分况距產木地方有遠近則至買木價有低昂以此成造法又弊生有領楠木之價而造株雜木船者有領株雜木之價而造松木船者則價必侵欺於官旗船隻式樣底板厚二寸棧板厚二寸七分有底板止殼一寸五六分者棧板一寸三四分者鐵釘每尺實該四釘有止用二三釘者石灰油麻俱不及原估之數則料必尅減於匠作况一省各衛運官中間有得人無幾不職恒多由是成船脆薄不堅而輟壞或駕運未及年分而遂失臨兌缺誤難保不無散造之弊至於如此而勢不容不變故始有團造之議蓋團造誠為事體歸一可革前弊但江西湖廣二省濶遠衛所呈散必須將年例該造船隻旗軍通聚於省城雇覓匠作少則工價高貴而不能併舉官軍眾則寄旅之費不勝陪貼此

團造不便二也其民七料銀俱該布政司派取各府州縣里甲官吏勤事徵解者固有因循怠事者不無况經革上下動淹數月比至解司官旗候領中間豈無吏胥之勒索彼此之留難皆足以縻誤裝運此團造不便二也其軍三料銀各處事體不一若係軍辦多候月糧折納未免傾銷類解况月糧未必得支緩急官銀無措若係運軍自辦則自有米食木料俱可應用錢布時銀皆可折使但欲類解前銀往往人情不願此團造不便三也今據呈稱江西省下該造船一百隻因匠料俱遲至起運領兌之時止造完船二十二隻固其創始之難及訪樟樹鎮并饒州河下之借造雖後得有船打發上運但今年折色數多船僅殼用若至來年全運本色年例該造船多一時不得嚴督豈能併完又未免壅滯漕輓而任法久計不可不為深長慮也團造之難亦又如此故復有散造之議然二者

利病相半難可偏廢惟在斟酌人情審度地方於分造之中而寓團造之法於用人之中而存革弊之意斯可善後而又行矣合無通行各省并南直隸巡撫衙門嚴督各該布政司及各府州縣將年例民七料銀預爲坐派定立限期俱在每年七月內徵處完足封解該司如州縣一時徵解未完本司務要另項那借處給待解到補數如離司寫遠路途不便亦就責成本府州庫收支俱不許延調徵解留難支給有誤打造妨廢工力仍嚴督都司將各衛所軍三料銀務照江北衛所另撥軍餘辦納完足聽解所在有司寄候其各衛所專委掌印官不妨衛事預將及年應造底船每十一二月查取到衛約會所在府州掌印官估勘明白將領軍民料銀督併官軍隨便買木在匠就於各該府州空閒地方刻期如法造完掌印官不時查考比較務照原降式樣丈尺板厚釘密粧脩完固仍會有

司掌印官惟浙江錢塘迤南并杭州海寧船隻多在蘇州打造亦就委該府掌印官各驗實呈報彼處巡撫衙門查照本衛呈報漕運衙門待候過淮驗印如有不堪查追價銀以備改造掌印官旗一併提問若有侵欺從重問擬仍預造本色年例字號旗甲格眼文冊七本繳報工部并漕運衙門把總官及彼處巡撫衙門各一本內存一本衛所備照其餘候名及年船完造冊分繳註銷不許奸貪官旗料領出銀兩任意侵分收買雜木聽信奸匠包造尅減分數苟圖完事造不堅固以致駕不及年仍聽各巡撫查究從重問治及原監驗府州官員舉正如此則造有定所事有定規價免侵尅軍得少便而亦免於作舍道旁之議矣及查漕運歲額糧斛四百萬兌運二百三十萬石支運七十萬石成化八年該漕運都御史滕 奏

作將支運糧米就各水次領兌名爲改兌漕司一向循守

舊規均搭分派軍船領兌運納除外河遮洋總下
旗軍六千三百名運糧三十萬石內正兌二十四
萬石改兌六萬石裏河南京等十一總旗軍一十
二萬五百一名每軍一名額運止兌糧二十五石
三斗九升二合改兌糧五石三斗一升共糧三十
石七斗二合惟北直隸總下每軍多運三升八合
以盡畸零之數每淺船一隻旗軍十名共運正糧
三百七石二斗耗在外前項官軍共分派正兌糧
三百六萬石改兌糧六十四萬石運赴京通二倉
正兌者三七改兌者四六上納運前不失四百萬
石之數正耗米之外照依有司地里遠近又出輕
齎以備水陸脚價淅江江西湖廣最遠每石二斗
六升折銀一錢五釐山東河南二省最近每石止
出一斗六升折銀八分其改兌糧米原係有司自
運漕徐臨德四倉上納官軍支運之數其正耗米
淅江江西二省每石四斗二升江南各府三斗二

升江北各府三斗七升山東河南二省一斗七升
俱是本色原無折色輕齎京通二倉水陸脚價迺
年俱於正兌輕齎內完貼完納損正兌之有餘以
補改兌之不足多寡適均不分南北通融領兌前
項漕規俱經

先朝文武大臣議處停當行之歲久則例已定今稱要將
淅江正改兌糧共六十三萬石俱派本都司衛所
官軍領兌雖稱民糧與軍船順便或因本轄易制
但淅江一總旗軍二萬一千六百七十名照依則
例通融均派止該正兌糧五十五萬二千四百四
石六斗四升兼搭改兌糧一十一萬五千六十七
石七斗共兌改糧六十六萬五千三百二十二石三
斗四升若將本總衛所專兌本省之糧則正兌六
十萬石而加多改兌三萬石而加少且餘下軍船
一百七十隻該領兌糧三萬五千三百一十二石
三斗四升必須於直隸府州縣改兌糧內撥足以

完六十六萬五千二百一十二石三斗四升方穀
額數况南京官軍既不可領兌漕省之糧則漕江
總官軍又豈可領兌直隸州縣之糧此未敢輕議
者一也其漕江總正兌糧數通該搭派改兌糧一
十一萬五千三百一十二石四斗四升共止改兌
糧六萬五千三百一十二石三斗四升以足實有
運軍之數尚餘欠改兌糧四萬九千七百五十五
石三斗六升必亟添撥南京江南等總改兌米石
以充漕江正兌有餘而補船數之不足方得完納
况使漕江一總三六輕齋有餘而使江南南京等
總二六輕齋不足似非善處之道所以舊規裒多
益寡率長補短實亦通融之法此未敢輕議者二
也其言要將直隸衛所止兌直隸之糧固是一說
但如江西布政司改兌糧五十七萬石江西都司
一十一衛所止有旗軍九千七百九十四名淺船
八百六十六隻該運兌改正糧三十萬六百九十

五石三斗九升其餘正糧二十六萬九千三百
石六斗一升該用船八百餘隻用軍八千餘名
因江西無軍可撥遍年添撥南京湖廣江南直隸
四總軍船領兌若依所擬則四總俱應住撥不知
遺下江西糧米應否彼處再添軍船自運再如遼
洋一總俱是河南山東二省民糧亦派南京八衛
江北五衛外省官軍領兌若以南京官軍山東河
南豈復有軍可領一槩住撥若此定為通規不知
天薊各倉更有何船運納若以外省軍船不便管
束交兌自有監兌官員法典具存恐只可以因事
而處事不可以因噎而廢食也及照漕運均派始
因更改淮德臨徐四倉支運以為改兌且遂失轉
般之意而貽直達之苦計今五十餘年議者尚欲
復之今又更調軍船則均派之規又自是而變之
但漕規屢變而卒無定守特議紛出而要善後
緣前項二事事體重大非臣等才識陋劣區區管

見所能悉也如蒙乞

勅戶工二部會同在廷大臣再加計處合無定擬畫一之規上請

聖裁俟行臣等遵奉施行奉

聖旨是各總淺船都依擬團造務要如式早完不許延捱日月侵款料價

裁處冗費以節國用

總兵官楊宏奏同都御史胡錠議得漕運歲額正糧四百萬石該船一萬二千餘隻駕運旗軍一十二萬六千八百餘名該自未樂年間額數已定南京二總把總田茂分管錦衣等衛旗軍餘丁共九千一十一名把總王端分管旗守等衛旗軍餘丁共八千九百九十六名每名均派改正糧三十石七斗二合通計二總定運五十五萬二千八百八十一石六斗一升六合前項運車先年原係正伍

食糧旗軍應得成化年間正軍改差逃故不足撥補餘丁成化十一年該漕運總兵官平江伯陳銳題該戶部議各該運糧衛所今後不許將運糧旗軍捏故掣回改差果有逃故等項先儘操備守城及原係運糧正軍改差跟官充當局匠等項內選補若正軍如果數少方許將殷實餘丁點轉其月糧行糧并

賞賜在京在外俱照本衛所運糧正軍事例關文若有逃故正軍復役即今上運替回餘丁改差月糧住支其各該衛所仍將選補運糧餘丁俱照南京戶部所擬造冊轉送查考敢有不先儘正軍及將運糧正軍捏故掣回改差妄將餘丁點轉虛費錢糧者聽從南京戶部及巡撫巡按等官訪查得實奏奏提問等因題奉

聖旨是欽此除欽遵外後因歷歲既久逃故數多各該衛所掌印官員不以漕運為重故違前項

事例將空閑及別差旗軍不行撥補往往擅將餘
丁頂替中間將軍掣回避重接輕及將餘丁納賄
圖糧難保必無因循歲久正軍漸少餘丁漸多耗
費京糧誠如該部所議相應查處但恐中間亦有
無軍可補僉撥餘丁轉數比之監收冗食情亦有
間及查嘉靖二年災傷折銀南京兩總實派本色
糧四十萬五千餘石俱於當年十二月內會派各
衛定撥軍船於嘉靖三年正月內前去各司府水
次聽候領充去訖其間雖有餘丁已經上運錢糧
經手難以退回其折充減存在衛軍餘三千七百
二十名俱令辦納船料不分正餘每名出銀二兩
四錢以備打造事故船隻內餘丁與清江廠年例
辦料軍餘六百五十七名亦與軍一體食糧相應
一併查革但前項船料天順八年以前俱是四川
等處派納杉栢松楠釘鐵等料給軍全造軍士所
陪補者不過脩船什物家活而已自成化元年以

後各處災傷坐派數多比之天順年間每隻止給
大小料銀六十五兩外少價五十五兩自是軍士
始有陪補之患此減存軍辦料銀之始也其年例
該造一分船隻軍士累逼不能完造入將領軍得
過者分爲旗造查難者分爲廠造二等廠造者清
江提舉司止給大小料民七銀六十五兩在衛軍
辦料銀三十五兩謂之軍三如有未完亦借減存
在運旗軍仍自貼助銀五兩旗造者提舉司亦止
給大小料銀六十五兩在運旗軍自辦料銀三十
五兩外亦貼銀五兩多用減存一向通行出辦成
造至今若依查革前項軍辦料銀則事故年例船
隻不無缺少軍三完造及查各軍月糧先年南京
倉庫充實按月支給本色時值價銀不過四五錢
每月軍辦銀二錢准費四十餘米六斗僅敷家口
食用惟遇今歲荒歉支與折色雖給一兩除辦料
外所餘買米不及六七斗亦止僅敷糊口而已况

係經費固宜慎出但江南米貴折支恒少米賤折支恒多爲今之計合無備行南京兵部將平江伯陳銳奏行前例再行申明查照彼中審差事例委有才力部屬會同科道官吊查近年由票并食糧文冊拘集各該衛所掌印等官將在運旗軍并在廠在衛用工辦料軍餘逐一照額查審除正軍年力精壯者存留老弱不堪者退換逃故者照名撥補如無空閑壯軍就將一應雜差不拘操手造作辦納及役占看守等項相應動撥者俱改撥上運中間果有原係躲運捏故掣回投輕避重及無故捏補餘丁或有額外影射者干礙職官徑自奏行若槩所果無堪補正軍聽將闔衛各所旗軍通融撥補務足原數若委無別項差占正軍方許將餘丁抵補務足原額之數其或軍少衛分營伍久空清冊分明聽將船隻改撥軍多衛分駕運每船一隻撥軍十名其有一衛原額畸零不敷一船就赴

此行以少就多改併別有零軍衛分揆船駕運以自帶運之難其出辦料銀合無查照臣等題

准事例於各衛所空閑餘丁內僉撥出辦免其雜差不許

食運糧運軍幫丁查照見行事例每軍准免一丁一併查撥停當各將的名正身年貌填註印信由票給付木車戶頭收執事完造冊通繳南京戶兵二部及咨送漕運衙門各一體存照以後年分查照南京審差事例一體清審註補仍禁各該衛所掌印等官及領運官不許私擅更易如不及審差一時缺軍止許正伍旗軍撥補如果無軍務要申達該部查明方許餘丁收糧上運若不由衛撥而運官擅收餘丁食糧者罪坐運官或本運行取旗軍而衛官占送不補者罪坐衛所官員外有別項冒濫影射情弊俱聽各官查訪奏究施行臣等管見如此如蒙乞

勅戶部再行會議上

請定奪早

賜施行則糧無冗食運不乏人辦料不誤造船得完庶
為長
便

始改上下江二總

總兵官楊宏會同都御史俞諫奏該戶部郎中趙
載題議得漕運糧船先年海運至京俱經文武大
臣建議開濬會通河分立十二總遂罷海運其歲
運糧四百萬石內薊州邊儲獨遮洋一總尚留南
京水軍左等八衛江北淮揚等五衛軍船俱於小
灘鎮等水次充軍山東河南糧米三十萬石仍由
海道以抵薊州天津二倉上納成化年間又因海
道不便始自小直沽開通新河一道當將遮洋海
船每二隻該旗軍三十六名改造五百二十五隻
旗軍六十三百名比時船隻運道雖改衛所官軍

俱乃舊役雖或愛禮存羊而其地里之遠近往來
之艱閣軍船之狼狽糧運之稽遲誠有如郎中趙
載之所言者况該南京給事中彭汝宴復建此議
至若江南一總上下兩江催餉甚遠不無顧此失
彼而趙載又復言及皆係漕運要務擬合遮併議
處查得南京淮揚等一十三衛官軍昔年止因習
知海道存於遮洋今日既由新河僨運却乃空身
自南趨北不惟途路艱辛人情事體甚是不便抑
且江北船多摘撥江南就兌加費過江一三脚米
而南京行糧亦又重費年復一年尤當愛惜况遮
洋近年議准折色數多軍得減存但辦料數少食
糧則多亦應區處及查北直隸總下德州天津二
倉不惟道途甚近抑且原運正耗相若人情允便
相應改撥合無將遮洋江北淮大高揚長淮五衛
旗軍三千三百一十二名照舊不動外將北直隸
總下德州天津等九衛旗軍一千七百六十四名

併入本總其不足之數再於附近徐州左泗州二
衛添撥旗軍一千二百二十四名通抵南京遠運
共輾足六千三百名原數以備歲運三十萬石舊
額仍為遮洋總就令孫機管理遇有減存臨時酌
派以蘇軍困仍將孫機原額退與南京領駕其退
下南京水軍左等八衛官軍添入江南分為上下
江二總就以程鵬二人分管旗軍仍每船十名船
不過壩亦各存與過江米六升却將原該一二裁
去七升各總以截上江者兌安慶池太廣德等府
州糧米多餘軍船領兌江西不盡之糧下江者兌
蘇松常鎮四府糧米多餘軍船領兌湖江不盡之
糧通前仍為十二總其南京二總每年却分江湖
二處儘總撥兌餘船方撥江南至若湖江等總軍
船雖有多寡亦每就近算派事不大害俱宜照舊
不必槩為更張其改撥遮洋行糧查照議單北直
隸者仍舊二石徐州左泗州二衛俱照准大二石

急補淺船僨運

八斗如此庶水軍等八衛得以就近領兌江南之
糧免駕空船北行江南一總得以分撥催督亦免
往來督兌之難則遠近適均水程順便而糧
運不致耽誤且行糧脚米亦因得以少省矣

都御史李銳總兵官楊宏奏照得十二總共二千
一百九隻俱係節年火燒漂流事故之數一向少
船缺料未曾補造已將缺船緣由會本具
題續該戶部郎中趙載亦奏前因俱該工部覆

題嘉靖二年四月內欽奉

初諭着落各該巡撫官將前項缺少事故船隻俱限二年
內造完陸續給軍裝運除欽遵外近又據江西
總劉重等呈報通前共缺船二千二百六十六隻
查得湖江江西湖廣江南四總該於各省司府衛
所打造山東北直隸遮洋三總船隻該衛河提舉

司打造

中都南京江北五總船隻該清江總督司官造備原
議漕運積餘官銀百兩造船一萬隻前住蘇御史
俞諫將淮安府寄庫各年積餘官銀一萬
四百餘兩行委于戶部良在於備直官等處
完都御史俞諫取回京近該都御史
府收寄各項餘銀一萬六千餘兩會同
揚州府通判章九思等前往無錫等處
間都御史胡箴又轉往南京前項缺船
之限完造不及六十餘隻如泗州
八十四隻實缺船一百七十六隻
左等衛亦各缺少數多連年灾傷
銀兩用船減少故得苟且完事即今
邇若全運本色見在船隻止裝裝運
餘萬石外有糧八十餘萬石缺船裝
有違

欽限臣等誤事之罪固難辭責而京儲空虛實為可慮如

蒙乞

勅戶工二部從長議處轉行各巡撫官員先將太倉節次
發去銀兩督併各都司衛所原委官員務在年終
造完先給十分罷敵缺船衛所旗軍領駕其餘不
敷料銀候今年完糧餘銀解回轉補成造以備備
運此外缺少不足船隻聽各把總官開報各巡撫
官上緊措置務要船兩足免致誤事惟復先儘見
在船隻領允其無船領允餘剩糧米暫令民船自
運候年歲豐熟補足千隻以上不必民運聽臣等
通融派撥仍待通造完備之日將用過銀兩造過
船隻各另造冊

奏繳庶糧運有船交允船悞誠為便益奉

聖旨是鄧良等并清江船廠領過造船銀兩有無侵尅情
弊着備查下落務要明白各總未完船隻還行各
該巡撫官嚴督造完給軍領駕不許延遲欽此

十五年

議處黃河大計

總理河道都察院右副都御史李如圭題切惟天下之事利與害而已矣去其害則利可興也臣欽奉

勅諭今特命爾前去總理河道其黃河北岸長堤并各該堤岸應修築者亦要著實用工修築高厚以爲先事預防之計如各該地方遇有水患即便相度訪究水源可以開通分殺并可築塞堤防處所仍嚴督各該官員斟酌事勢緩急定限工程久近分投用工作急修理凡修河事宜勅內該載未盡者俱聽爾便宜處置事體重大者奏請定奪欽此欽遵臣查得黃河發源具載史傳今不敢煩瀆姑自寧夏爲始言之自寧夏流至延綏山西兩界之間兩

岸皆高山石麓黃河流於其中並無衝決之患及過潼關一入河南之境兩岸無山地勢平衍上少沙多無所拘制而水縱其性兼之各處小水皆趨於河而河道漸廣矣方其在於洛陽河內之境必東之勢未嘗拂逆且地無高下之分水無傾瀉之勢河道雖大衝決罕聞及至入開封地界而必東之勢少折向南其性已拂逆之矣况又接南北直隸山東地方地勢既有高下之殊而小水之入於河者愈多於塞衝決之患自此始矣此黃河之大槩也今之論黃河者惟言其瀰漫之勢又以其遷徙不常而謂之神水遂以爲不可治此蓋以河視河而未嘗以理視河也夫以河視河則河大而難治以理視河則河易而可爲瀰漫之勢蓋因夏秋雨多而各處之水皆歸於河水多河小不能容納遂至瀰漫然亦不過旬日不於春冬則鮮矣是則瀰漫者不得已也水之變也豈其常性哉至於所

謂神水者尤為無據其故何耶蓋以黃河之水泥沙相半流之急則泥沙並行流之緩則泥沙停積而停積則淤之漸矣今日淤之明日淤之今歲淤之明歲淤之淤之既久則河高而不能行然水性就下必於其地勢之下者而趨焉趨之既久則岸面雖若堅固水行地下岸之根基已浸灌踈散而不可支矣及遇大雨時至連旬不晴河水泛漲瀾漫浩蕩以不可支之岸基而遇此莫能禦之水勢頃刻奔潰一瀉千里遂成河道近日蘭陽縣父老謂黃河未徙之先數年城中井水已是黃水足為證驗故人徒見其一時之遷徙而不見其累歲之浸灌乃以為神無足怪也為照河南山東及南北直隸臨河州縣所管地方多不過百里少則四五十里若使各該州縣各造船隻各置鐵杖并尖鐵鋤每遇淤淺即用人夫在船扒濬若是土硬則用尖鋤使泥沙與水並行既無淤塞之患自少衝決

之虞用力甚少成功甚多且黃河水既湍急而泥沙則又易起更有船隻則人夫不惟免涉水之苦而風雨可蔽宿食有所是修河之智而寓愛民之仁推而言之其利甚博若夫瀰漫之勢殆不能免所可自盡者則在築堤防患不與水爭地耳或護城池或護耕種使得遂其安養伏望

皇上軫念地方水患將臣所奏特

飭該部再行查議聽臣督同河南山東并南北直隸管河

按察司副使張綸等備查所管黃河州縣河道地里遠近動支河道銀兩酌量數目打造上中下三等船隻置造大小鐵扒鐵鋤分發各該管河官收領遇有時常小淤或先年舊淤或因瀰漫勢後河道新淤即便督率人夫撐駕船隻量水之深淺用船之大小量船之大小載人之多寡用心扒濬堅硬去處則用鐵鋤俾泥沙隨水而去河道為之通流風雨蔽於斯宿食在於斯至於捲掃去處即係

水流傾瀉之地傾於此者必於彼一體扒濬使
水歸於中流則傾瀉之患將漸弭矣再照黃河先
年由河南蘭陽縣趙皮寨地方流經考城東明長
垣曹蕭等縣流入徐州近年自趙皮寨南徙由蘭
陽儀封歸德寧陵睢州夏邑水城等州縣流經鳳
陽地方入淮其歸德蘭陽等州縣卽今水患頗大
亦聽臣督行管河道責令各該軍衛有司掌印管
河官員調用人夫或將河道銀兩雇募各修築高
厚堅固堤岸并扒濬河道務使淤塞開除自無衝
決之患防護完固可免淹沒之虞其舊黃河卽今
尚有微水流至徐州呂梁二洪亦合時加扒濬使
不致斷流接濟運河且分殺黃河水勢如此則河
患可息而運
道亦有益矣

議處漕河急務

總理河道都察院右副都御史李如圭題切惟軍
國之儲必資於轉運河渠之設貴在於疏通故用
人圖治則選舉之法在所當重而因時制宜則更
張之道不容少緩欲錢糧之無弊則當慎出納而
嚴稽考之條圖工程之求固安可忽經營而效苟
且之計是皆漕務之所當急而先者也臣欽奉

勅諭近年沛縣迤北漕河屢被黃河衝決已經差官整理
但恐河勢變遷無常漕河不時淤塞有妨糧運今
特命爾前去總理河道督率管河管洪管泉管閘
郎中主事及各該三司軍衛有司掌印管河兵備
等官時常往來親歷多方經畫遇有淤塞去處務
要挑濬深廣凡修河事宜勅內該載未盡者俱聽
爾便宜處置事體重大者奏請定奪欽此欽遵已
將運河一帶淤塞去處督率各官調用人夫挑濬
河道俱已開通地方雖自二月以來少雨臣乃疏
濬泉源導引諸水接濟運河卽今糧船盛行無阻

陸續前進除應該處置事宜各另施行外臣督理之餘復有見聞謹用條陳五事上塵

睿覽伏望

皇上俯念漕河重寄將臣所奏特

勅該部再行查議上

請定奪早賜施行其於漕務不無小補臣不勝懇切祈望

之至謹題請

上

計開

一任才能以舉泉政查得山東地方一帶閘座漕河今賴泉水今查泉源通共一百七十六處散在泰安等州汶上等縣先年兗州府專設管泉同知一員管理所以分理主事之任也近年以來因各處山水泛漲大風揚沙及黃河衝決各泥沙將泉源并泉河多被淤塞以致泉流微細又有因水漲衝決河防致水散溢不歸運河置

之無用每年雖有濬泉之名全無實效要之官不得人耳查得該府管泉同知見今員缺行委該府首領官帶管合無推選廉能素著官員前來管理庶官得其人而疏濬修治之功可以責成泉政其庶乎舉而運河有濟矣

一處閘座以均水利查得山東地方一帶漕河俱設閘座蓋因地勢高起水流陡迅先年相地設閘以濟之耳百餘年來地勢水勢不無小有變遷遞年管理官員又因稍有不便未免隨時增改然增改之間又為舊閘所拘乃致宜於此者不宜於彼臣今姑舉一二處言之如天井閘至在城閘止一里三分在城閘至趙村閘則捌里是以一里三分之水而欲濟夫捌里之閘也棗林閘至南陽閘止一十二里而南陽閘至穀亭閘則二十里是以一十二里之水而欲濟夫二十里之閘也其他閘座閘亦類此雖是相地設

置而太過不及不應如是之甚是以開河之水
此盈彼涸往往稱淺多緣於此合無聽臣督同
各該官員逐一相度詢訪中間應照舊者照舊
應改設者先爲土壩以驗其宜否如果相應則
興工修開原開官吏人夫卽移此處舊開且不
必廢但不啓閉俟其年久行之順利另議則水
道均平而船隻無阻誤矣

一 砌開壩以垂永久查得運河一帶應設減水
滾水障水開壩及牽路橋梁而未曾設者有雖
已設止是土壩未曾石砌每遇水漲衝去頻年
勞民修築者有已砌石年久未修崩缺者及沿
河堤岸有緊關應用石砌去處而未曾砌者揆
厥所由蓋因採石之難耳合無聽臣行移附近
州縣僉取石匠議定工價於河道銀內支給令
其赴就近山場採取大小石塊應用使各處開
壩橋梁及沿河緊要堤岸俱用石砌不惟工程

永固運河得濟而人夫亦免煩擾之苦矣

一 治湖坡以裨運道查得山東一帶運河固資泉

水通流而各處昭陽南望蜀山馬場伍丈安山
等湖坡俱係受水去處可爲運河之濟但年久
不治委之無用甚至淹沒地土反爲民害又或
被人侵占收利肥己無補漕河合無聽臣委官
查勘前項湖坡被人侵占者責令退出還官督
率額設人夫周圍修治堤岸使水無散漫挑濬
淤淺開設開座運河有水則停蓄待用運河少
水則放水入河其地勢高者則駕水車運濟以
爲定規如此則泉源有助而運河其大濟矣
一 嚴稽考以革姦弊查得河道一應銀兩先年散
貯各衙門多借那借侵欺無從查考間有事發
者又監追不完近該臣議處通行山東河南都
布按三司并南北直隸各府及臨河各州總貯
以便稽考爲照前項銀兩若積貯年久數多稽

考未至未免仍為各衙門那借侵欺不得實用
今查已有二十餘萬兩尚未查明况前項銀兩
俱係百姓膏脂乃不得充公家之用而為姦貪
之所侵盜積弊已久法度安在合無聽臣通查
前項銀兩見在的數明白各司府州收貯聽候
河道支用不許各衙門指以別項名色那借以
致浪費因而侵盜如此則侵漁之弊革而錢糧
亦得以實用矣

乞留積水湖櫃疏

總理河道都御史王廷題據山東布按二司分守東
兗道右叅政王應鍾曹濮兵備兼管河副使謝彬分
巡東兗道僉事姜廷頤會呈為傳奉
聖諭事據兗州府申准本府知府莫如善管河同知王恒
通判鄭盡忠東昌府管河通判王問會關行據東平
州申准本州知州熊淪關稱會同本州清軍同知李

鑰管河判官賈沛鄒縣知縣何繼曾單縣知縣陳嘉
謨壽張縣知縣宋時俊管河主簿史節陽穀縣管河
主簿楊堯哲等拘集地戶南海等并帶領老人陳世
隆等親詣安山湖分投丈量得本湖周圍共七十三
里零一百二十二步五寸沿隄損壞大小缺口五十
五處共長三百九十四丈湖內高阜地三百八十五
頃一十二畝稍高地二百八十五頃四十八畝低窪
地二百一十五頃一十五畝湖中各水深五尺四尺
湖邊各水深三尺二尺不等各據實查明外為照前
項湖地稍高與低窪者無甚分別實於漕河緩急有
備其高阜地三百八十五頃一十二畝似可聽民佃
種但湖之建設本以接濟漕河初未必有曠土而積
淤之漸遂成高阜之勢由今日觀之固足以召佃遊
民以收子粒之利然湖之通塞民之情偽在他日又
貴有先事之防也緣事體重大卑職未敢擅便合關
本州轉申定奪緣由到職關行到府准此又准本府

管泉同知黎天啟管糧治農通判王嘉會關行據汶
上縣申准本縣署印本府檢校李三錫關稱會同委
官濟寧州判官左祿李金鉅野縣知縣俞一中魚臺
縣知縣魏朝相城武縣知縣林嘉謨濟寧衛經歷陳
藩等遵依各帶丈繩算手人等將南旺東西湖查照
原立四至界限丈量得周圍一百五十里算共七十
四萬三千零四十畝損壞缺口二十處共長七十五
丈八尺高阜地五十八頃二十一畝九分一釐四毫
水退纔露水長易淹地三十八頃七十六畝水面七
千三百三十三頃四十二畝八釐六毫踏勘明白合
關本縣申乞詳議轉報緣由到職據此職等會同覆
查相同外合關本府轉達緣由到府該本府知府莫
如善會同本府管河同知王恒通判鄭盡忠東昌府
通判王問及本府管泉同知黎天啟治農通判王嘉
督同各官親詣安山南旺二湖覆行踏勘相同明白
外會看得安山南旺湖地

國初運河之旁原有積水之湖謂之水櫃蓋河水乾涸
則放水入河河水泛溢則洩水入湖後來湖隄漸廢
湖地漸高臨居百姓遂從而占種之父子相傳為業
民固不知其為官地有司攤派稅糧雖官亦將以民
地視之至嘉靖二十年

欽差督治漕河兼都察院左僉都御史兵部王侍郎按考
圖誌清查疆界題奉

欽依追復舊制不許軍民復種今奉明文該戶部等衙門
會議題奉

欽依將山東安山南旺一帶水櫃餘田給人佃種辦納子
粒職等公同查得前項湖地皆積水處所不但低窪
者雖稍高者亦豈敢輕議惟是各湖旁邊原有高阜
去處水所不到者今查有前項數目合無暫令居民
承佃辦納子粒及查前地肥饒又魚別差比民地不
同相應每二百四十步為一畝每畝納銀一錢以後
每年每畝納子粒銀五分解部仍將舊隄缺口逐一

補築完備新佃地土之外或再築一小隄或深挑一大壕以爲界限舊隄照舊存留舊隄之內爲召佃之地新立隄壕之內照舊爲水櫃栽以柳樹立以石界四面沿隄每三里設鋪壹座每鋪編夫一名仍設巡湖老人一名令其督率各夫晝夜看守但有盜決隄防走洩水利者照例問遣萬一河患莫測照舊查復原制不許占爲世業久假不歸如此庶幾河得湖以濟運民得湖以養生似爲兩便再照各湖中有葦草魚鰕菱芡等項自然之利一向聽民採取今若量徵課稅或亦可以抵召佃地土之利似亦可行等因申呈到道案照先准布政司咨照嘉靖三十七年六月初一日抄蒙總理河道都察院王都御史案驗准戶部咨前事仰司即行掌印官會同守巡兵備等道選委風力府官二員帶同公正老人書算手人等分投前去南旺安山等湖逐一丈量置簿登記某湖該地若干頃畝先行冊報仍查照原行定議應否變賣召

佃呈報等因案行到司定委兗州府通判王嘉咨照各道備行該府行王通判前去南旺安山等湖督同各該州縣掌印等官踏勘間本年九月二十四日又抄蒙本院案驗前事仰各道官吏即便會同汪郎中陳主事督率兗州府知府莫如善同知黎天啟通判王嘉鄭盡忠東平州知州熊淪判官賈沛壽張縣知縣宋時俊濟寧州判官左祿李金鉅野縣知縣俞一中濟寧衛經歷陳箐及各管河主簿等官作速將南旺安山二湖逐一丈量周圍隄界若干里步有無損壞湖內水面平闊淺深若干丈尺高地若干頃畝俱據實開報取各不扶結狀具由造冊并畫圖貼說候本院親覆踏勘施行等因蒙此各道依蒙會同汪郎中陳主事督率各該委官及添委兗州府管河同知王恒東昌府管河通判王問東平州同知李鑰鄒縣知縣何繼曾單縣知縣陳嘉謨魚臺縣知縣魏朝相城武縣知縣林嘉謨壽張縣典史謝廷金陽穀縣典

史李伸張秋鎮巡檢張獻策分投趾勘丈量具結造冊畫圖貼說仍行莫知府會同各官議擬停當具由呈報去後續據各官呈將踏勘過安山南旺二湖各周圍隄界里步并高阜地畝湖內水面平闊淺深各數目造冊畫圖具結呈報各道會同工部管河汪郎中管閘陳主事王主事看得安山南旺二湖原係濟運水櫃歷年淤澱湖邊漸成高阜之地正德年間屢為鄰湖居民盜種嘉靖二十年因河道淺澀欽差兵部侍郎王以旂督治漕河清查水櫃居民盜種之地悉奪還官周圍築隄以嚴湖禁迄今遵守今據各官丈勘二湖除窪下見成水櫃者安山湖二百一十餘頃南旺湖七千三百三十餘頃其高阜之地水所不到處所堪以承佃者二項共四百三十餘頃俱係水櫃之地似難輕議但近奉勘合議令召佃亦今日濟邊重務况地本膏腴棄之不無可惜而水櫃無妨利運濟邊竝行不悖情似可通所據各官會議暫令

鄰湖居民佃種照畝納銀似亦可從其類缺湖隄責令管河官照舊修築佃地之內悉係水櫃或植樹株或立石界明立湖防不必再築小隄以生勞費此後敢有侵占盜決有妨水櫃者俱照先年禁例問遣將來萬一河患不測照舊查復還官不得指為世業其湖中葦草魚蝦菱茨之類一向聽民採取利益甚多未嘗徵稅今議立法量徵課稅以解戶部亦足少補邊餉之用緣事體重大各官未敢擅專開詳到臣據此案照先為前事准戶部咨該吏部尚書吳鵬條陳該戶部等衙門會議題覆奉聖旨這會議魚甚為國忠實各驛成造鋪陳費多徒資侵剋各省解送兩京曆日以充私饋都著停革戶部備行各該巡按御史將二項歲派銀兩查明數目限三箇月以裏盡行解用裁省座船馬匹禁革冒濫關文兵部詳議來說按察司知印軍官立功併軍民人等充軍納銀贖罪不准其餘依擬行各項銀兩著各該撫按官查取

徵解不許延誤欽此咨臣將山東南旺安山一帶水櫃
退出餘田查勘應起科者照畝起科應變賣者估價
變賣子粒價銀作速解部接濟邊餉等因准此就經
案行山東布政司會同守巡兵備各道委官將前項
湖地高阜去處逐一丈踏及行管北河郎中汪泓管
南旺泉閘主事陳南金各召人承買佃種去後隨據
郎中汪泓主事陳南金冊揭開報召過山東兗州府
東平汶上等州縣止有承佃人戶蔣恩孫自成等一
千一十一名共認過地一百二十四頃七十二畝七
分各數目緣由前來案候布政司委官丈踏緣由未
報又該臣催行守巡東兗道右叅政王應鍾僉事姜
廷頤并曹濮兵備兼管河副使謝彬督率兗州府知
府同知通判等官莫如善黎天啟鄭盡忠等各親詣
前項湖地丈踏明白據各會呈前因除臣將盜種盜
決爲首人犯南海拏問及行郎中汪泓查究并將湖
隄補築外該臣議得經

國之大計莫重於漕運而理漕之要務莫重於河渠今
南旺安山二湖議欲變賣召佃臣已欽遵施行似亦
可以無言矣然以愚臣過慮此事若行未見其利諺
謂耕當問奴織當問婢以彼所職守筭計親切不誤
耕與織也今臣所職者河漕之事也河漕所以久行
而無廢者水櫃之力也臣是以晝度夜思誠有隱憂
過計而不能已於言也今據各官所議欲要將低窪
貯水高阜召佃一節不過以邊餉缺乏已經會議爲
此兩全之說耳以臣愚計似亦非便臣請究始終得
失之故言之凡籌

國家之事者當論其大不當論其細而變已成之業者
當先其害然後計其利臣惟

國家建都幽燕撫鎮方夏而百司庶府供億之繁六軍
萬姓仰給之衆非資藉東南不可也勝國時漕運所
從之道一由江入淮沂河至封丘縣陸運一百八十
里入衛河以達於京爲力甚艱而輸輓不多一由海

運抵直沽轉漕而北然考元史歲有漂流而溺損漕卒不啻數萬終以海運未便而會通河之議起矣會通河者今濟寧漕河是也元雖創開未究其用此殆天所以資我

國家億萬年無窮之利者也臣考

初亦藉海運歲入不過七十萬石永樂十三年尚書宋禮平江伯陳瑄經營會通河成而海運始罷漕河至今為利每年四百萬石之外遠邇方物商民貨賄千艘萬舸連檣接柁晝夜牽輓以實

京師我

聖天子端拱於天下之上

國家奠安於億萬年之久不大有賴於漕河通利之力哉蓋陸運艱辛而不可以多致海運傾險而不可以必獲惟茲漕河之通則用力省而取利博而當時經營之臣為謀遠而立法備貴在後人能世守之耳宋禮陳瑄經營漕河既已成績乃建議

請設

水櫃以濟漕渠在汶上曰南旺湖在東平曰安山湖在濟寧曰馬場湖在沛縣曰昭陽湖名為四水櫃水櫃即湖也非湖之內別有水櫃也漕河水漲則減水入湖水涸則放水入河各建閘壩以時啟閉故問刑條例一款凡故決盜決山東南旺湖沛縣昭陽湖蜀山湖安山積水湖各隄岸為首之人發附近衛所係軍調發邊衛各充軍此見在條例可考仰測累朝嚴禁之意豈不知各湖可蠲以與民以取征賦之入哉蓋以利有大於此慮有遠於此者不可以小害大以近妨遠也昔人云事有煩而不可省費而不得已者正今日湖地之謂耳臣近巡歷泰安寧陽等處切見漕河所資止泰山諸泉自新泰萊無等縣經流汶上故曰汶河雖以河名而實諸泉之委匯也然諸泉之水濬則流不濬則伏雨則盛不雨則微故汶河至南旺分流南北則水勢益少非有閘座以時蓄洩則其涸可立而待也每年春夏之交天旱水涸而阿

城七級之間如置水堂坳之上舟膠而不可行非借安山等湖之水以濟牽輓即

進鮮船隻亦不能依限入京矣故宋禮諸臣議設水櫃者誠有見於此耳計今一百六十七年為

國家久長之利宜其微哉今四湖具在而昭陽湖因先

年黃河水淤平漫如掌已議召佃而安山南旺馬場

等湖夏秋水發則水俱瀰滿足以濟運惟先年安山

南旺二湖不知始自何時被人掘隄盜種認納子粒

以致湖乾水少民又於安山湖內復置小水櫃以免

淹沒遂致運道枯澀漕輓不通嘉靖十二三等年加

以黃河南徙兩洪益澀其時在

朝諸臣講海運則迷失其故道修膠萊河又徒費而不

成上履

皇上宵旰之憂

勅遣兵部侍郎王以旂往視漕河并為經理以旂至此訪

究弊端建議修復官湖築隄岸建水門閘座以圖永

久素嘗盜種決隄之民上盍行問遣驅逐不許佃種以

啟弊端題奉

欽依施行迄今漕河無阻然侍郎王以旂請復官湖之意

豈有難於民而不知認納子粒之為利哉以

國家漕河之利有大於子粒之利百姓固可恤而漕河

失利尤可慮也然自官湖議復後而東平汶上之民

垂涎湖地向嘗一日忘情耶今據各官開報之數湖

中水落露出高阜地上止四百四十三頃非不可以

以召人佃種但成事不可破巨防不可開且小民姦

頑日甚惟欲利己罔知

國法頃者議復官湖已嘗懲愴恬不知畏若再奉例召

令種辦子粒則將一家開報數名占種不計頃畝遇

水發入湖恐傷禾稼必盡決隄防以滿其望是所名

水櫃者將來為一望禾黍之場耳而河漕何所賴哉

今山東地方鄒滕沂費泰安等州縣即東平汶上之

間拋荒地土不知幾千百萬頃即安山湖外荒地亦

二百三十四

曹軍通二

二百三十四

二百三十四

二百三十四

二百三十四

不知幾千百頃而東平汶上之民必欲舍彼而取此者以民田納糧養馬當差寧拋棄而不顧湖地止認納子粒更無別差期必種而後已况未必皆貧困之民也昔東平州民曾以安山湖地投獻

德府隱占地畝莫能誰何後被查出方歸於湖且安山湖舊稱延袤百里今止量七十三里以此推之寧望其辦納子粒保全湖隄耶今據郎中汪泓主事陳南金召佃過人數計筭每畝照今例五分止得銀六百兩有奇若盡湖中高阜地止得二千二百兩有奇亦非有大利也今每年河漕轉輸四百萬石之外輸將

京師者又不知幾千百萬焉則其利孰多孰寡而京儲與邊餉孰重孰輕此不待較而知也况既以有損於漕河而取之差民寧又復以計微利而仍與之耶萬一湖水告竭漕河失利臣恐所得不償所失而其為費又不知其幾注年山東議開膠州河布政司即

議費銀六十萬兩又未必其能成也今之欲種湖地者乃倡為水入而不能出之說臣近親歷各湖湖高於河殆六七尺春夏水涸每借各湖之水以濟河漕况各湖原備水車各三百五十兩若遇盛旱亦令車水以濟奚謂入而不出乎臣又覽觀地勢詢訪民謠湖櫃之設不但漕河有利而於庶民亦有賴焉蓋泰山迤西地漸窪下每夏秋水發俱奔注此中宋末嘉祥鉅野曹濮壽張之間遂成巨浸是以有梁山水泊之亂今東平去梁山不遠而水既入湖湖外皆納糧民田也若隄防湖廢則水將漫衍淹沒而嘉祥鉅野曹濮壽張之間又成巨浸矣是所利者止數百家而所害者將幾千百萬家及數州縣也事有召釁法有啟姦不尤可慮乎此就其害於下者言之耳若湖廢河乾漕運不通其所關係尤重且大又不可不深慮也蓋今之漕河譬則人之咽喉也咽喉少塞則百體受病儻漕河少阻運餉不繼則

京師六軍萬姓百司庶府何所仰給至此時而欲再奪
民已種之田追咎臣不言之罪亦何及哉況今修復
朝殿大木運行所需水利雖涓滴亦令入河寧止數湖
而已是以臣晝度夜思自顧職守而不能已於言也
但查議復官湖之後盜種之民已逐而復入盜決之
隄雖築而未竟方欲漸次修補以爲善後之圖所宜
汲汲從事者而又何以召佃爲哉伏望

皇上軫念漕河重事留神省察乞

勅工部再加詳議如謂召佃可行乞另行山東撫按衙門
會同巡河御史再加計議務使處置得宜不爲他日
漕河之害方可施行如謂既已議復難再召佃以誤
國計仍行臣嚴行管河郎中主事及該府州縣管河等
官查照先年侍郎王以旂建議事理逐一舉行應補
堤岸逐一補築務令堅固堪以積水盜種頑民盡行
逐出仍照各官所議設立鋪夫老人看守或有應動
錢糧另行題

請庶幾一勞永逸可垂永久漕河有賴矣及照各湖漁葦
之利自設湖以來一向任民採取習爲故常今各官

議欲徵稅似亦可助

國課但湖地既禁而不與而又議分其利小民頑獷恐
有不堪然採取任民官不爲制則強弱相爭或生釁
端亦未穩當應否徵收通乞詳議以便施行緣係乞
留積水湖櫃以濟漕河事理未敢擅便爲此謹題請

旨

海邊遊記卷ノ
一三六



